

18988 -
- 18989



OTHECK
V. JACQUEL
LOUVENSIS

Mag. St. Dr.

18




CONSTITVTIONES
GENERALIS CAPITVLI
MIECHOVIENSIS:

Die XIX. Mensis Octobris, Anno Do-
mini 1621. celebrati.

Authoritate eiusdem Capituli promulgata.

Et cum Facultate Illustrissimi & Reuerendiss.
Dñi, D. loci ordinarij sub Prælum tradita.



C R A C O V I A E,
In Officina Typograph. Matthiae Andreouensis,

CONSTITUTIONES
GENERALIS
MIECHOVIENSIS
DIE XIX. IDI

APPROBATIO.

IOANNES FOXIVS I. V. Doctor, Ecclesiae
Cathedralis Cracouiensis Archidiaconus, vnus ex
Censoribus librorum imprimendorum, ab Illustris-
simo & Reuerendiss. Dño loci Ordinario deputa-
tus, hasce Constitutiones Religioni Ordinis, Cu-
stodum Sepulchri Domini seruientes, legi, easque
optimo zelo Superiorum conscriptas, ac Religio-
sis ad perfectam institutorum suorum obseruationem
facem praefertes, vtiliter imprimi posse censeo.
Cracouiae die 13. Martij. Anno 1621.

C. R. BIBLIOTHECA
VNIV. IAGELL.
CRACOVENSIS

18989, I

CRACOVIAE
In Officina Typographica...

In Stemma Reuerendissimi Domini,
D. MATTHIAE LVBIENSKI, Ord: Canonico-
rum SS. Sepulchri Domini Hierosolymitani, Prae-
positi Generalis, designati Episcopi Chelmen-
sis.



Quam stupeo caput hoc traieciū? Num quia frontem
Fert: veneranda bonis qua metuenda malis?
Non satū est, vltra virtutū premia dicitur
Aequē LVBINIO, praepietate, dari
CHELM Arocāt, propera. Meus es. MIECHOVIA contra
Nec volo, nec possum mittere te. Meus es.
O sublime iubar, licet tolle, accipe CHELMAM
Porro MIECHOVIAE sis memor vsque tuae.

M. Simonis Driouij Zarcensis, Collegae Min.
& in Alma Acad. Crac. Professoris.

A 2

MATT-

MATTHIAS LVBIENSKI CANO-
NICORVM REGVLARIVM, CVSTODVM
SS. SEPVLCHRI DOMINI HIEROSOLYMI-
TANI PRÆPOSITVS GENERALIS, NOMI-
NATVS EPISC: CHELMENSIS. &c.

Vniuersis Religiosis nostris Fratibus
Salutem in Domino.



POST Equam Diuina vocatione &
vestra concordia voluntate, ad sustinen-
dum munus Generalis Præpositi, Ordinis
Canonicorum Diui Augustini, Cu-
stodum Sepulchri Domini, ad moti sumus;
continuo sentientes, quam graue
onus humeris nostris impositum suscepimus, eò curam,
studiumq; nostrum contulimus, vt præscriptam à maiori-
bus nostris religioſe vitæ normam inspiceremus, vni-
uersiq; Ordinis nostri religioſos, & loca Ecclesiasq; que
eorum curæ cõmissas, instituta & peracta generali visita-
tione, lustraremus, vt & nos eorum vultus, actusque, &
conuersationem notam haberemus, & illi vicissim Pa-
storis voce, & cohortatione audita, ad suam sibi. subie-
cti populi curandam salutem, animarentur. Quibus ex
animi

PRÆFATIO.

animi nostri sententia, Diuina nobis suffragante gra-
tia peractis, reliquum erat, vt coacta vniuersi Ordinis
nostri Hierosolymitani congregatione, consilium cape-
remus, qua ratione, quod per Prophetam Ezechielem
nos Dominus facere iubet, id quod in grege nostro in-
firmum erat, consolidaremus, quod ægrotum sanaremus,
quod confractum alligaremus, quod abiectum reducere-
mus, & quod perierat, quaereremus: leges & constitu-
tiones maiorum nostrorum, magna ex parte abusu &
desuetudine abrogatas, firmaremus, alias quas præsen-
terum status poscebat, conderemus. Quod quidem aliis
negotiiis, & curis utcunq; soluti, hisce diebus præstitimus:
conuocata & peracta Synodo nostri Ordinis, in qua mo-
re institutoq; maiorum nostrorum, ex consilio & assensu
omnium Fratrum, Constitutiones Ordini & Instituto
nostro, in quo nos Domino famulaturos, iurata fide spo-
pondimus, consentaneas, sanximus cõdidimusque: quas
religiosorum & doctorum hominum censui examina-
tas & approbatas, vestræ imprimis utilitati, vestræ sa-
luti deseruiturus, in lucem damus. Hortamur igitur
vos in Domino, & per viscera misericordie Dei obsecra-
mus, vt non ad legendas modo has Constitutiones, sed
multo magis ad implenda & exequenda ea, que illis sa-
lubriter præscripta vobis proponuntur, animum adijci-
atis. Vestra hic agitur salus, vobis & gregi curæ vestræ
commissõ,

PRÆFATIO.

commissio, omnis hac in parte nostra desudauit sollicitudo, quam vos gratis animis excepturos, & paternam nostram cum filiali obseruantia amplexuros, omnino confidimus. Deus Optimus Maximus eas vobis inspiret cogitationes, ad eos accingat conatus, qui vestrae vocationi sunt consentanei, vt omnes actiones vestrae religiose sanctitatis odore flagrent, vt nos qui id vnum intendimus, quatenus nostram & vestram salutem promoueamus, vt hoc qualicumq; labore, quem simplici animo, augendi cultus diuini causa suscipimus, diurnum denarium, apud benignum & liberalem patrem familias promereamur, voti & desiderij nostri compotes efficiamur: Vt in extremo iudicij die, flore virtutum vestrarum ornati (corona enim nostra estis vos) coram Supremo iudice compareamus.



AD LAUDEM & GLORIAM DEI OMNIPOTENTIS, ac vniuersi Ordinis Canonici, Custodiæ Sacrosancti Sepulchri Domini Hierosolymitani deputati, commodum, & vtilitatem, Capitulum Generale, per Reuerendissimum D. MATTHIAM LVBIENSKI, eiusdem Ordinis & Conuentus MIECHOVIENSIS Præpositum Generalem, &c. ad diem xix. Octobris, Anni M.DC. XX. Miechouiam indictum, eodem die votiuo sacro de SPIRITU S. præmissio, ac deinde sequentibus diebus fæliciter continuatum. Præsidente eodem REVERENDISSIMO GENERALI PRÆPOSITO. Præsentibus Reuerendis ac Religiosis Præpositis, Parochis, & alijs Regularibus eiusdem Ordinis Canonicis. Cuius quidem Capituli hæc sunt Statuta & Decreta, quæ sequuntur.

DE OFFI



PROEMIVM.

Cum in aliquot Capitulis Generalibus, opera & studio Illustrissimi olim Cardinalis Bathorei, Præpositi Generalis Meehouiensis, celebratis; illa omnia, quæ ad vitam Religiosè instituendam, & ad alia munia huic Religioni annexa, ritè obeunda, pertinent, ita sufficienter sancita, & Typis mandata reperiantur, ut ferè nil præterea requiri videatur, quàm ut ea debitæ executioni (sine qua frustra conduntur leges) demandentur; hoc autem nulla alia commodiori ratione, quàm per illos, qui in Officiis ex antiqua religionis nostræ ordinatione sunt constituti, perfici posse videatur. Ideò eà methodum, in sanciendo huius Capituli Statutis, & ordinationibus, seruandam esse censemus, ut cuiuslibet Officialis munia, iuxta præscriptum Constitutionis ultimæ Cap: Gen: secundi, distinctis Capitibus comprehensa, describantur; quatenus vnusquisque illorum functionem suam, quasi in vna quadam tabula depictam aspiciat, eiq; deinceps tantò diligentius attendat.

DE OFFI-



I

DE OFFICIO PRÆPOSITI GENERALIS.



Vandoquidè Pastoris officium est præcedere, ouium autem sequi, ideò operæ precium fuerit, ut Præpositus Generalis à seipso reformationem incipiat, & memor Religiosæ vocationis suæ, vitam suam ex præscripto Regulæ, & Constitutionum Ordinis, ita instituat; ut reliquis membris sit ad omnem virtutem, & perfectionem exemplo, & incitamento. Circa Ecclesiam suam resideat, & ab ea (causa legitima excepta) se non absentet, præsertim verò pro solemnioribus Festis diebus Anni. Communi vitæ cum fratribus assuescat, & cum illis in Choro, Capitulo, Refectorio, & Dormitorio, (quantum per alias occupationes licebit) sit frequens, eosq; debito honore & amore prosequatur.

Mensa frugali (in absentia præsertim Hospitum) contentus, duos ad minus fratres ei adhibeat, & ad eam ex sacra scriptura, & aliis piis Ecclesiæ scriptoribus, aliquid accomodatum legi faciat. Habitum decentem, non tamen superfluum, Cruce geminata, (ex Præscripto Ordinis) insignitum, deferat.

Bonorum, & Patrimonii Monasterii ad mensam Præpositi antiquitus pertinētium meminerit se non Dominum, sed dispensatorem esse, ac proinde redditus illorum, superfluis sumptibus non exhauriat, sed quidquid sustentationi statui ipsius conuenienti super fuerit, id in utilitatem Ecclesiæ suæ, & in vsum pauperum conuertat. Proventusq; suos ita distribuatur, ut expensarum rationes Capi-

B

tulo

tulo Generali (si quādo ita expedire videretur) reddere sit paratus.

Hospitalitatem à SS Patribus magnopere cōmendatam promptè erga omnes, præsertim verò Peregrinos & Religiosos exerceat, memor eos qui hospitalitatem amant, Christum Dominum in hospitibus excipere.

In suos consanguineos, non sit profusus, & si quando eum illorum inopiæ subuenire, necessitate urgente, contigerit, id non tā ex affectu sanguinis, quā ex debito charitatis Christianæ officio faciat.

Bona mensæ suæ nullatenus alienet, & ea in Arendam, vt vocant ultra triennium (& hoc cum scitu Fratrum) non locet, nec anticipata reddituum ex bonis locatis perceptione, aut eorundem bonorum ex lepi censu ad multos Annos locatione, Monasterio & successoribus præiudicium inferat. Ne autem subditi per locatores, seu Arendatores, opprimantur: & ne bona Monasterii per eosdem desolata reddantur. Neque fines & limites bonorum, negligentia illorum diminuatur: Singulis trienniis duo Consilarii ex Capitulo Generali assignati, omnes Præpositi & Conuentus Possessiones, impensis eiusdem, obibunt, & ne quid eiusmodi in iis fiat, Reuerendissimum diligenter præmonebunt.

Cum autem ex antiquo, certi redditus pro communi mensa Fratrum sint assignati, & successu temporis, per Præpositos Generales aucti, in vsu & possessione eorundem, Cōmunitatem Conuentus sui perpetuò conseruabit. Et præcauebit diligenter, ne per Officialium incuriam, vel malitiam, quicquam ex illis diminuatur, vel in aliquos abusus conuertatur.

Fabricam maiorem templi & Conuentus, ex Prouentibus ad Mensam suam spectantibus, pro sua liberalitate prouidebit, & curia Præposituræ vnà cum ædificiis Prædialibus, ne successu temporis detrimentum patiantur, matura eorum restauratione obuiam ibit.

Beneficia

Beneficia ad Conuentum MIECHOVIEN: pertinentia, nemini alteri, præterquam eiusdem Ordinis Presbyteris, Professis, legitimeque iuxta præscriptum Constit: 17. Lib. 3. Cap. Gen: secundi, electis, conferret.

Debitum numerum Religiosorum, ad explendas fundatorum pias intentiones, in Conuentu pro posse foueri curabit.

Maximè autem attendere debet, vt omnes Fratres curæ suæ commissi; vocationi suæ Religiosæ respondeant, vt ea quæ in Regula & Constitutionibus Ordinis præscribuntur, ad amissim obseruent; atq; eius rei causa, ipsum Monasterium sæpius, reliquas autem Ecclesias, eidem annexas, per Prouinciales quidem semel quolibet Anno per se autem, vel si legitime fuerit impeditus, per suos Cōmissarios singulistrienniis, visitet, & quæ deprauata reperit, reformare, & in Spiritu lenitatis, corrigere studeat.

Ac præterea Capitula Generalia, exemplo aliarum Religionum rectè institutarum, singulis trienniis (nisi aliquod legale obstiterit impedimentum) Miechoviæ habeat, & in iis de disciplina Regulari retinenda, & de moribus deprauatis corrigendis, cum Fratribus Ordinis, maturiori iudicio præditis, consilia conferat.

In omnibus deniq; actionibus, talem se exhibeat, vt quemadmodum dignitate alius præstat, ita iisdem sanctitate & odore, bonorum operum, præcellat.

Porrò cum de dispositione rerum, post obitum Fratrum relictarum, Ordinationes, in præcedentibus Capitulis Generalibus descriptæ habeantur, quæ etiam deinceps obseruari debent: De Præpositis autem Generalibus, & de rebus post decessum illorum derelictis, nil sit in iis expressum. Ipsa verò experientia edocti sumus, multos abusus in distractione eiusmodi rerum committi solere: ideo ne id in posterum fiat, obuiare volentes, statuimus & decernimus, idq; sub pena Excommunicationis maioris, per Religiosos huius

osos huius Cōstitutionis violatores, ipso facto incurrenda, vt morte Præpositi Generalis interueniēte, quicquid ultra ordinationem, quæ illi tanquam Prælato, de iure Communi, quo ad pias causas, competit, funere & familia expeditis, & ære alieno, si quod defunctus cōflauit, exoluto, tam ex pecunia, quam ex suppellectili reliquum fuerit, id totum hoc modo distribuatur. Pecunia quidem tam parata, quàm in nominibus existens, & omnis suppellex pretiosior, vt potè argentum, libri, Cassulæ, pluuialia, & reliqua suppellex sacra, tapetia, aulea, vestes, & pelles præstantiores, pretium equorum & curruum, iusta æstimatione venditorum, in vsum ipsius Ecclesiæ. Omnis vero suppellex mensæ, culinæ, cellarii, & vinum, si quod funeri super fuerit, in vsum mensæ communis. Vestes deniq; viliores, statui religioso conuenientes, lectisternia, indusia, & reliqua minuta suppellex, in vsum Fratrum, arbitrio Custodis, & consiliariorum (ante quorum aduentum, res derelictæ, à nemine attrectari debent) diuidenda, cedant. Prædia autè cum frumento, pecore, pecude, & reliqua suppellectili, ita per Administratorem, à capitulo electum, gubernentur, vt meminerit se, futuro successori, rationem administrationis redditurum.

DE OFFICIO.

CUSTODIS ET VICECUSTODIS.

Qui idem & Magister morum.

Cum ex præscripto Capituli Generalis Secundi, Cōstitutionis 9. lib: 3. Custos totius Regularis disciplinæ director, & tutor esse debeat, ideò hortamur vt iuxta præscriptum eiusdem Cōstitutionis in exequenda regula, & Statutis Ordinis, sit feruens, & ea
omnia

omnia, quæ ad obseruationem votorum essentialium, & Regularis disciplinæ pertinent, diligenter à fratribus adimplenda curet, eosq; ad studia sacrarū literarum, & pias meditationes, ac ad perfectionem omnium virtutum, non tantum admonitionibus, sed multò magis, exemplo suo, inuitet.

In Choro dum Officium Diuinum decantatur, nisi legitime fuerit impeditus, sit semper præsens, & vt horæ Canonice, deuotè, & ordinatè, decantentur, cultusq; Diuinus, nulla in re negligatur, sedulo attendat.

Cum autem Patronorum ordinis officia, nuper in ordinem sint redacta, & cum approbatione & licentia Illustrissimi Domini Lociordinarii, Typis iam mandata, ideò illa ab vniuerso ordine recipienda, & eadem quàm diligentissimè in posterum obseruanda esse, decernimus.

Animarum, quæ huic Ecclesiæ in spiritualibus cōcreditæ sunt, diligentem curam Custos gerat, vtq; iis, per diligentiores, & peccitiores Fratres, specialitèr ad hæc deputatos, Sacramenta debitè & ordinatè administrantur, omnem operam nauet.

Nullum autem ex Fratribus, ad audiendas Confessiones deputabit, nisi prius legitime, ab Officio Illustrissimi Domini Lociordinarii, vel ab aliquo alio, ab eo ad id deputato, fuerit approbatus.

Attendat præterea diligenter Pater Custos, vt omnia recto ordine, iuxta distributionem horarum inferius descriptarum, in Conuentu peragantur, & vt singuli Fratres suo manere ritè fungantur. Nec dissimulet peccata delinquentium, sed mox, vt ceperint pullulare, radicitus ea euelli curet, ipsosque delinquentes, primo quidem admonitione, vel leui carcere (quem ad puniendas leuiiores culpas, distinctum, à præsentis subterraneo & obscuro in posterum esse volumus) corripiat. Si autem inobedientes &

incorrigibiles fuerint, feueriori disciplina, & arctioribus, carceribus, coerceat. Quod si eiusmodi correctione se non emendant, eos ad præpositum Generalem deferat. Maximè autem in eos, qui dissidia, rixas, contentiones, & seditiones inter fratres excitant, & qui ebrietati student, vel qui septa claustrum sine licentia egredi præsumunt, vel qui deniquè de turpi vita, & incontinentia suspecti sunt, animaduertat, omnesq; horum peccatorum occasiones diligenter amoueat.

Capitula bis in Hebdomada, Feria quarta, & sexta, iuxta Constit. 16. Lib. 3. Cap. Gen. 2. celebrare non prætermittat, eumque ordinem in illis celebrandis teneat, qui ibidem est præscriptus. Præsertim verò sedulus sit in Fratrum negligentis per hebdomadam commissis, diligenter indagandis, & iuxta meritum, & exigentiam corrigendis. In quibus etiam, ad instar aliarum religionum vt singuli, Fratres proprias culpas superiori suo fateantur, Et si id facere neglexerint, ab aliis, qui illorum defectus notauerint, Capitulo deferantur, in posterum obseruari volumus. Clausuræ Monasterii sedulam curam habeat, & vt seræ portarum sint firmæ, & semper clausæ teneantur; attendat, ne uè feminæ septa Monasterii vlla ex causa ingrediantur, sedulo præcaueat.

Silentium frequentissimis Antiquorum Patrum admonitionibus cõmendatum, & regulæ, statutorumque nostrorum Decretis confirmatum, in Dormitorio, Claustrum, Templo, & Refectorio, omni tempore, (horis recreationis, altera post prandium, altera post cænam, & media post vespas exceptis) diligenter præcustodiat, statimq; silentii, sine legitima causa fracti, transgressori penam arbitrariam iniungat.

Claues cellarum omnium, (præter has quas singuli fratres habent) penes se retineat, licitumq; sit ei aperire cellas, & illas inuisere, quoties ipsi expedire visum fuerit. Ordinariè autem visita-

tionem

tionem cellarum singulis mensibus obeat, ac videat, ne in cellis retineant fratres res statui Religioso minime conuenientes, vt potè instrumenta alearum, imagines profanas, scripta lasciuia, vinum, crematum, ceruicalia superflua, vestes exquisitas, & alia similia; & si quæ talia repererit illa statim amoueat, & excludat. Ea autem, quæ ex necessariis alicui fratri deesse cognouerit, libenter ex communi vestiario suppeditet.

Oeconomix domesticæ ita attendat, vt in administratione illius tam per ipsum, quam per alios Officiales, nil negligatur, & multo minus, quicquã perperam committatur. Factores autem Prædiorum, ad mensam fratrum pertinentium, non Religiosas sed seculares personas, quarum fides & dexteritas, in Administratione bonorum fuerit commendata, in posterum constituat.

Etsi autem institutio Custodis, hætenus à sola ipsius Præpositi Generalis voluntate dependebat, quia tamen vniuerso Ordini nostro plurimum interest, vt talis huic mûneri præficiatur, qui ei, pro dignitate & utilitate Religionis, sufficere possit; Ideò consultius esse ducimus, vt in posterum ad electionem ipsius, non tantum Fratres præsentis, sed etiam Consiliiarii aduocentur, & ipsius electio, capitulariter instituat. In potestate tamen Præpositi erit, eum quem fratres elegerint confirmare, aut eo repulso, vt alteri magis idoneo, vota sua ferant postulare. iuxta Constit. 17. Lib. 3. Cap. Gen. Scñdi de electione ad Ordinis beneficia præscriptam.

Cum autem in religione nostra antiqua consuetudine sit receptum, & Constitutionibus ordinis comprobatum: quod Custos alterum post Præpositum Generalem in Conuentu locum obtineat. Hortamur fratres, vt illi debitum honorem & obsequium omni tempore exhibeant, ac eius iussa atq; monita; non aliter quam nostra accipiant, in omnibusq; libenter illi obtemperant; quoties verò Chorum, vel commune Refectorium, ingreditur, o-

mnes

8
mnes assurgant, ac debitam Reuerentiam ipsi præstent.

Verùm cum ipsum nonnunquã, negotiorum Monasterii causa, à Conuentu abesse contingat, in locum ipsius Vicecustos, quem nos pro tempore elegerimus, succedet, atq; prædicta omnia munia, ad Custodem pertinentia, exequetur. Præsente autem Patre Custode Vicecustos attentè mores fratrum obseruabit, & illorum defectus, præsertim in Diuinis Officiis, diligenter notabit, ac negligentes primo quidem officii admonebit, deinde verò si ipsius monita non curauerint, Patri Custodi deferet, vel si res moram patietur, in Capitulo particulari negligentiam illorum accusabit. Cui etiam Fratres, non minorem honorem, & obediẽtiam, quàm ipsi Custodi in posterum exhibere debebunt.

DE OFFICIO.

CONSILIARIORVM.

Quoniam in Ordine nostro, consiliiarii eo fine sunt instituti, vt eos in rebus Ordinis difficilioribus, Reuerendissimus Dominus Generalis, & Custos conuentus, fidos socios & consortes, laboris sui habeat; vbi enim multa consilia, ibi necesse est multam esse salutem; Proindè quotiescunq; in Conuentum negotii alicuius tractandi causa vocabuntur, promptè & libenter se sistant, & rogati, consilia sua, syncerè & candidè explicent.

Etsi quid in Ordine perperam fieri aduerterint, Reuerendissimo, cuius id potissimum interest, vel in ipsius absentia, Custodi deferant; mala enim faciliùs in ipsis initiis corrigi possunt, quàm cum ob dissimulationè sumpserint incrementa. Sicut autem ceteris fratribus præstant dignitate, ita exemplo, doctrinaque sua illis præluceant, atq; ad pietatem & vitam religiosam, cum timore Dei transigendam duces sint.

Illorum

Illorum etiam muneris erit attendere, vt iura & Præiulia, huius Almi Conuentus, atq; ad eò omnium Conuentuum & Ecclesiarum, Ordinis nostri fideliter, hic in consueto Archiuio, sub firma clausula conseruentur. Clauetq; tam ab Archiuio, quàm à sigillo maiori, à duobus vicinioribus è medio illorum, vnà cum Custode pro tempore existente, retineantur.

Ad Electionem quoque tam Custodis, quàm eorum, qui beneficiis, siue Ecclesiis præficiendi sunt, ii præsertim, qui erunt viciniores, accersentur; ac contractus locandorum prædiorum, siue ad mensam Reuerendissimi, siue ad mensam Fratrum spectantium, cum consilio & scitu ipsorum, in posterum fieri debent.

Quoniam autem plurimum interest, quales personæ in Consilium adhibeantur, id eò eorum vita & doctrina diligenter à Capitulo Generali examinari debet, quos autores Consilii publici, Conuentus habere voluerit, liberumq; erit, singulis Generalibus Capitulis, Reuerendissimo, iuxta beneplacitum suum, alios atque alios, quos huic officio & muneri aptiores esse aduerterit surrogare. Illa autem Constitutio quæ in Cap. I. Gen. Consiliarios veluti loco affixos deputat, tempori accomodata censenda est. Fuerunt enim illo tempore, circa dicta loca, personæ habiles, & ad danda consilia sufficientes. Ita tamen vt inter quatuor Consiliarios, vnus ex residentibus fratribus, qui Reuerendissimo magis idoneus videbitur, in posterum constituatur, quatenus tam ipsi Generali Præposito, quàm Custodi in grauioribus negotiis, à Consilio præsto esse possit.

DE CONSERVATORVM DOMUS, seu Vestiariorum officio.

Vestiarium quibus quæstura, seu procuratio omnium Proventuum
C ad Con-

ad Conuentum spectantium, demandata est, officio suo per omnia fideliter respondeant, & singulis Mensibus coram Custode & Capitulo, omnium perceptarum & expensarum quotidianarum exactam rationem reddant.

Vestiaræ, qui locus est communis, ad vestes & res necessarias Fratrum deponendas, deputatus, diligentem curam habeant. Et vt sepe pannus, tela, calcei, & alia necessaria ibidem sint in promptu, ac ne fratribus aliquid desit, diligenter provideant, & Custodem (quo inconsulto nemini quicquam dabunt) tempestiuè ea de re præmoneant.

Cum autem pensio florenorum 100. ex bonis mensæ Fratrum, in 3. capitulo Generali, pro necessitatibus Vestiaræ, assignata, nequaquam sit sufficiens, idè Reuerendissimus Dominus Generalis, pro suo Paterno in Fratres affectu, ex bonis mensæ suæ, in eum vsum, nomine pensionis Annuæ, pro singulis Festis S. Michaelis ad manus vestiariorum soluendæ floreno. 200. perpetuò assignat, & vt pro hac vtrâq; summa simul iuncta, singulis annis prædicta necessaria ad vestiariam comparentur, statuit, & ordinat. Quod si, nec hæc summa in eum vsum fuerit sufficiens, residuum ex redditibus ad mensam communem spectantibus, suppleri debet, ita vt nequaquam Fratribus aliquid necessariorum desit.

Vestiariorum quoque curæ erit, vt libri in Bibliotheca Monasterii depositi, à pulueribus, & tineis sæpius excutiantur, & ordinatè ac suis locis collocentur, vtq; index illorum sufficiens semper habeatur, quorum vnus circa vestiarios, alter penes prælatum retineatur. Nec alicui Fratri ex Bibliotheca extradentur, nisi nomine tam Fratris librum accipientis, quàm Authoris libri, in tabulam seu in schedam ad id affixam memoriæ causa relato.

Et si verò omnium bonorum ad mensam Fratrum pertinentium administratio ad illos pertineat; eadem tamen bona, irrequisito

consensu

consensu Reuerendissimi & Consiliatorum non elocabunt, nec de vendendis decimis, ad mensam Fratrum pertinentibus, in scio vel in consulto P. Custode, alijsq; Fratribus in Conuentu presentibus quidquam statuere poterunt. Illi autem Fratres qui tempore decimationis, ad hoc negotium deputati fuerint, sobriè, & tempestiuè ad Conuentum redire debebunt.

DE OFFICIO.

THESAURARIJ & SACRISTÆ Senioris, qui idem & Magister Cæremoniarum.

Quandoquidem ex antiqua consuetudine huius Ecclesiæ, duo Fratres ad suppellectilem Ecclesiasticam cõseruandam designari solent, alter quidem in Thesauro, alter verò in Sacristia. Atcedet Pater Custos, vt vtrq; suo munere rectè & sedulo fungatur.

Et Thesaurarius quidem conscripto suppellectilis preciosioris, quæ in Thesauro cõseruari solet, sufficenti Inuentario, diligenter argentum Ecclesiæ, & vestes pretiosiores asseruabit, nec eas ad vsum faciliè extradet, nisi solemnitate festi, vel Personæ qualitate id exposcente.

Reliquiarum quoq; sacrarum, indicem, à nobis nupèr conscriptum, semper in promptu habebit. Ipsæ autem Reliquiæ tam quæ in Crucibus, quàm quæ in Thecis argenteis, & Cistula cum Cardinalibus & sera argenteis, sunt depositæ, vnà cum Authentico, à S. Carolo Borromeo super easdem reliquias, Illustrissimo olim Cardinali Bathorço Conuentus huius Præposito concessas, subscripto, & obsignato, in Armariolo decenti, nupèr ad id præparato, maiori studio & reuerentia, quàm hæctenus factum comperimus, à The-

thesaurario seruentur, & nemo audeat in posterum quidquam de illis detrahere, vel cuiquam donare, sub pœna Excommunicationis ipso facto incurrenda.

Dum verò Sacræ Reliquiæ in publicum exponuntur, ab ipsis Presbyteris superpelliceis indutis, præmissis luminaribus, summa cū Reuerentia in altare deferantur, & rursus in Sacrum reportentur. Idem & Priuilegia Ecclesiæ diligentèr conseruabit, & eorum Summarium indicem nuper conscriptum, in Thesauro retinebit, vt facilius cum aliquod Priuilegium requiretur, per eum reperiri possit.

Sacrista autem curabit, vt suppellex Ecclesiastica, ad Sacristiam pro communi vsu, à thesaurario, sub Inuentario sibi tradita, mundè & ordinatè conseruetur, & si quæ fuerit lacera resarciatur. In quem vsu cum nulla Prouisio antea facta fuerit, assignat Reuerendissimus ex prouentibus Mensæ suæ, Pensionem annuam floren: 100. perpetuis temporibus ad manus Senioris Sacristiani, vel Thesaurarii reddendam. Quam ille pecuniam, cum scitu Custodis in reficiendam vestem sacram, vel nouam, ex viliori materia pro quotidiano vsu comparandam conuertere, & de illa singulis annis Præposito Generali vel Custodi, cum Vestiariis, rationem reddere erit adstrictus.

Sacras autem Vestes, Missam celebrare volentibus, promptè exhibeat, & ea quæ sunt ad altare necessaria, tempestiuè per se, vel per Iuniorum Collegam suum subministret. Ac præterea Venerabile Eucharistiæ Sacramentum, Æstate octauo quoque die, Hyeme verò decimo quinto renouet, & in renouatione fragmentorum diligentem curam habeat.

Idem etiam munus Magistri Cæremoniarum obibit. Cui omnes fratres sine contradictione, in iis quæ ad Cæremonias & Diuina officia ritè obeunda pertinent obediant, sub pœna arbitraria per

nos vel

nos vel P. Custodem contrauenientem, ex delatione dicti Magistri, imponenda.

Officium autem Magistri Cæremoniarum, hoc primum erit, vt denuntiet singulis Fratribus suum officium, circa Diuina Ministeria adimplendum: vel potius in tabellam singulis Hebdomadis referat, qui, quo tempore, quouè ordine, inseruire debebunt. Diebus verò Festis post Missarum solemniam lectum Sacrum in vsu aduenarum reseruabit.

Curabit præterea, vt Fratres recenter ad Ordines Sacros promoti, in officio ordini suo annexo diligentèr se exercent, & vt omnia rectè deceterq; circa Diuina officia fiant, iuxta præscriptum Cæremonialis & Rubricas Missalis Romani.

Idem aduertet vt Presbyteri adminus octauo quoque die, Pœnitentiariis ad id deputatis peccata sua confiteantur, & singulis diebus Festis (nisi quis illorum legitime fuerit impeditus) missas celebrent; Celebraturi verò, vt vnico saltem quadrante antequam ad altare accedant, Orationi mentali vel vocali vacent, atque idem peracto Diuino officio faciant, iuxta puncta meditationum ad calcem officiorum ordinis inserta. Qui autè hac in parte fuerint negligentes, eos Capitulo Septimanali deferat.

Præcauebit etiam ne expectèt Eleemosinarum aggregationem celebraturi, sed ex Præscripto officii, singuli munus suum obeant. Peregrinos item & vagos Presbyteros nõ permittat in Ecclesia celebrare, donec testimonium Canonice Ordinationis exhibuerit. Idem etiã die aliqua solemnitate, cum Rndissimus Pontificaliter est celebraturus, ministrantes tempestiuè ordinabit, & vt ab iis Cæremoniarum iuxta præscriptum Cæremonialis Romani obseruentur, diligenter attendet. Ac præterea in eadem solemnitate ad Primas Vesperas, binos Præcentores assignabit, qui pluuijalibus induti, in utrisque Vesperis concorditer præcinent Antiphonas, & Versus a-

C 3

pentavo-

perta voce, dum organa pulsantur legant. Quibus etiam diebus, ut omnes Fratres superpelliceis induti, Missarum solennis in Choro, & sacris Concionibus intersint, idem Cæremoniarius aduertet, & negligentes P. Custodi denunciabit.

DE OFFICIO SACRISTÆ IUNIORIS.

Sacristæ Præsbytero adiungi debet Clericus, in maiori aliquos Ordine Constitutus, propter atrectanda vel deferenda vasa sacra. Cuius officium erit, præparare & studiosè adornare altaria, Calices, Corporalia, & Purificatoria munda, celebrantibus decen- tè subministrare, Hostias, vinum, aquam claram & mundam, vr- ceolos, cereos, ignem ad vsum rei sacræ, opportuno tempore pa- rata habere. Externis & aduenis à Seniore Sacrista admissis, vo- lentibus celebrare, vestes sacras libentè & cù charitate ministrare.

Lauacrum tersum, cum munda aqua & mantilibus mundis in numero sufficienti, peluim item pro abluendis Corporalibus, & Pu- rificatoriis, prouidere. Vasculum Aeneum pro carbonibus in Ec- clesiam deferendis, Forcipes pro Hostiis scindendis, Lampades plures pro necessitate occurrente, Vasa olearia magna ad vsum lampadis, Lucernas duas hastis affixas, ad vsum deferendi vene- rabile Sacramentum ad infirmos, Tripodes cum vasis ferreis super impositis ad ignem deportandum, Turribula, Maleolos, ad affi- xionem tapetum, Scopas maiores ad purgandum Templum, Mi- nores ad vestes excutiendas ac reliqua. &c.

Suppellectilem in vsum Sacristiæ in promptu habere, Personas Laicas, & ad seruitium Diuinum nõ pertinentes, à Sacristia arce- re. Ad fores Sacristiæ, Vasculum Aeneum vel stanneum, cum aqua benedicta

benedicta, & aspergiolo decenti habere. Hostias recentes & benè à fragmentis purgatas, in vase mundo, plumbeo circulo deluper- tectas, referuare, & pro iis conficiendis ferrea instrumenta, & fa- rinam triticeam recentem, & mundam, tempestiuè prouidere, vt- què Æstiuo tempore singulis septimanis, Hyemali verò singulis quindecim diebus pinentur, attendere.

Metricam Baptizatorum & Matrimonia contrahentium, Mis- salia, ac reliquos libros, pro communi necessitate & commoditate Ecclesiæ seruietes, vt pote librum Agendorum, Graduale, Psalte- rium, Libros ad cantum Ecclesiæ spectantes, &c. ordinatè & dili- genter asseruare; Et vt præterea super singula altaria Tabulæ Se- creta Missæ continentis habeantur; vt pauimentum Ecclesiæ à sordibus mundum conseruetur, & quoties in Ecclesia mortui se- peliuntur, vt lapides sepulchrorum reliquo pauimento coæquen- tur; vt ad Ecclesiam & Sacristiam seræ sint firmæ, vt Ecclesia de- bito tempore claudatur, & tempestiuè propter laboriosos homi- nes aperiat; Vt ad ianuas Ecclesiæ intus aqua benedicta in vase conuenienti, munda, noua, & clara ad vsum introeuntium cum aspergiolis binis retineatur, & vt Cæmiterium de nocte clauda- tur, prouidere. Ne deniq; in porticu Ecclesiæ colloquia aliqua pro- fana & inhonesta tam à secularibus quàm à Religiosis misceantur, neue aliquid in ea indecens admittatur, prohibere.

OFFICIUM CANTORIS.

Cantor ordinarius per Custodem is ex Fratibus assignetur, qui Diuinis officiis in choro præesse, & qui dispartitatem & dissonantiam canentium moderari sciat. Fratres autem ad Anti- phonas

phonas & Responsoria cantanda, dato per Cantorem signo omnes assurgant, & ea æquali voce decantent. Hebdomadarij verò in cantu horarum alternatim intonent, ac cæteris in cantando præeant.

DE OFFICIO.

MAGISTRI NOVITIORVM: ET DE Institutione tam in Nouitiatu existetium quam Iuniorum Fratrum Professorum.

Magister Nouitiorum educationi & informationi, non tantum Nouitiorum, sed etiam Diaconorum, Subdiaconorum, & clericorum Professorum, attendere & diligenter aduertere debet, vt prædicti omnes tonsuram, & habitum talarem, ordini congruentem deferant; Confessionem ad minus bis in mense, Magistro vel ordinarijs penitentiarijs, ad confessionem aliorum Fratrum excipiendas, deputatis, faciant, & sacram Communionem semel in mense, præter dies Festos solemniores, frequentent; ac vt ea omnia sciant, quæ ad eorum munia ritè obeunda spectant. Si qui autem Nouitiorum officio suo defuerint, eos seridè corripiat & in eorum vitam & mores diligenter inquirat: Illaque omnia obseruet, quæ in Constitutionibus Capitulorum Generalium, de iis laudabiliter præscripta habentur.

Porro si quis Nouitiorum in Nocturna vel furtiua egressione è Monasterio deprehensus, vel cum mulieribus, in scio Magistro collocutus fuerit, vel furtum de rebus Monasterii, aut Conuentus fecerit, vel lusui Chartarum & alearum indulserit, eundem à Magistro Nouitiorum primum Patri Custodi, deinde toti Capitulo denunciatum, statim è Monasterio, & è societate Fratrum eueniendum

endum decernimus. Si quis verò ex Professis Iunioribus, in tali (quod absit) delicto repertus fuerit, præter pœnas in Constitutionibus prioribus ordinis determinatas, etiam sersionem vnus septimanæ in arctioribus Carceribus, & trium dierum Ieiunium in pane & aqua, talem omninò subire debere declaramus. Præcipue vero curæ Magistro Nouitiorum erit, vt Nouitii non tantum eos labores, quos Fratres ferre solent, subeant; sed etiam vt iuxta consuetudinem septimanatim assignati in Refectorio mensas mundas, & nitidas semper retineant. Aquam recentem in lauatorio mundo tempestiue subministrant: Dormitorium & Refectorium purgent, & in aliis humilitatis officiis diligenter se exercent: Singulis item diebus Dominicis & Festis, bini sub cantu Euangelii candelabra gestatoria, cum cæreis accensis teneant, & præterea candelas gestatorias, ad eleuationem venerabilis Sacramenti accensas, iisdem diebus, ante maius Altare, proferant.

Cum autem ad rectam Nouitiorum institutionem, plurimum cõducatur si separatam à reliquis Fratribus (prout in alijs Cænobijs rectè institutis videmus) mansionem habeant, vt videlicet quietius suis munijs attendere, & Spiritualibus exercitijs liberius vacare possint; Ideo curæ erit nobis, vt primo quoque tempore Nouitii vna cum Magistro suo, non tantum suum hypocauftum à communi Refectorio distinctum, sed etiam cubicula à reliquo Dormitorio, peculiari clausura separata habeant, & Professis fratribus, nisi cum ad Diuina officia, vel ad mensam procedendum erit, non se immisceant.

Ibidem etiam Lectiones (quæ vt singulis diebus professis pro captu Auditorum, binæ, altera sacra, altera prophana habeantur, Præposito Generali curæ erit) iis prælegentur; quibus singuli tam Nouitii, quàm iuniores Fratres Professi interesse debebunt; vt autem non minus in studio, quam in pietate & timore Dei maiorem

D

in dies

in dies profectum facere assuecant, eis singulis diebus partem p̄i alicuius libelli, Magister Nouitiorum perleget, & eos in omni pietate, & religione sedulo informabit. Porro cum omnibus Religio- nibus plurimū inde dignitatis & utilitatis accedat. Si plures viros doctos & eruditos habeat, ideò de cōmuni omnium Fratrum consensu statuimus & ordinamus, vt non tantum expensione annua de Præposituræ Wrocimouiē. prouentibus, in Cap. 3. Generali assignata (quam tamen ob temporum iniquitatē, vita moderni Præpositi durante, ad flor. 80. post obitum autem ipsius ad centum quinquaginta florenorum, moderandam esse duximus) tot Fratres continuò in Academia Cracouiensi foueantur, quot inde ali possunt, sed etiā cum Præpositura Gnesnensis, habeat non contemnēdos redditus, onera autē ad exigua illi sint annexa, vt in posterū Præpositus Gnesnensis (moderno duntaxat excepto) sumptu suo duos Fratres à Præposito Generali delectos in Collegio Posnaniensi, vel Calisiensi, prout eidem Generali videbitur, alere, & eosdem omnibus necessariis prouidere, perpetuis temporibus sit restrictus.

DE OFFICIO MAGISTRI INFIRMORVM.

CVM Fraternalis Charitas, quæ est vinculum omnium Religio- num, circa Fratres in Infirmis constitutos, maximè eluce- scat, volumus vt iuxta Constitutionē quintam, Cap. Gen. 3. præ- sciatur Capitulariter semper vnus ex Patribus, qui habeat curam Infirmorum, & bonorum ad Infirmariam pertinentiū. Quæ nuper prædio Gluchow, à nobis ad id deputato, sunt aucta. Sit autem Magister infirmorum & viribus validus, & charitate feruens, qui sciat condolere infirmis, & eis obsequia conuenientia præstare.

Is autem

Is autem Inventarium Autenticum, manu Patris Custodis sub- scriptum, de omnibus ad Infirmariam spectantibus, habeat; & rati- onem suæ administrationis, singulis Anni Quartualibus, eidem Patri Custodi & duobus Fratribus, ex Capitulo deputatis, reddere teneatur.

Locum Infirmariæ, lectulos, puluinaria, lintheamina, & aliā sup- pellectilem purgari crebro faciat, & munda retineat, prouideatq; vt omnia necessaria, ad infirmorum curam pertinentia, præsertim verò Surrupi, & cætera medicamenta, iuxta præscripta medicorum, infirmis debitis temporibus ministrentur. Et cibi non communes sed meliores & molliores, pro necessitate illorum, prouideantur. Frater autem infirmus, dum adhuc est viribus integris, in manus Patris Custodis, & Magistri Infirmorum libros & omnem supelle- ctilem, cuius hactenus usum habuit resignet, & se ab omnibus ex- propriat; Ea autē quæcunq; resignauerit, fideliter per Magistrum conscribantur, & conseruentur. Et eidem fratri, si conualuerit re- stituantur. Si vero è viuis decesserit, ad usum Monasterii, cum scitu Præpositi Generalis, iuxta ordinationem, in Capitulis Genera- libus præteritis factam, conuertantur.

Præcipuè verò idem Magister, infirmum Fratrem, ad deuotam Sacramentorum perceptionem, tempestiuè hortabitur, & ei ago- nizanti, & ipse diligenter assistet, & vt alii assistant, P. Custodem tempestiuè præmonebit, librosq; ad animam cōmendandam spe- ctantes, vtpotè Polancum, & Ianussouiu de arte moriēdi, in prō- ptu habebit. Ac reliqua omnia obsequia prōptè & alacriter ei præ- stabit, vberem eius laboris mercedem à Deo recepturus.

Quod si circa curam Infirmorum fuerit negligens, talis priuatō- ne officii puniatur, & alter in locum eius substituat.

Inquiremus autem & nos ipsi sollicitè, de defectibus infirmorum & diligentia paternam, circa valetudinem ipsorum, adhibebimus.

DE OFFICIO
DISPENSATORIS, ACCVLINÆ,
Cælarii, & Molendinorum, Prouisorum.

Singuli horum eligantur in Capitulo de consensu maioris vel sanioris partis, qui sint viri boni, prouidi, fideles, solliciti, & in re Oeconomica benè versati.

Quorum munus erit, communicato cum Patre Custode & Vestiaris Consilio, omnia necessaria, pro victu Fratrum tempestiuè procurare, & ut cuilibet eorum debita carniū, Piscium, Panis, ceruisiæ, portio obtingat, diligenter prouidere.

Ita tamen ne quis portione, quæ sibi obtigit, tanquam propria vtatur. Sed si quid reliquum fuerit, id non pueris, quos deinceps, nullus sine expressa superioris licentia tenere præsumet, affinitate coniunctis, vel ad obsequia assumptis concedatur, verum arbitrio superioris distribuatur, iuxta præscriptum Cap. Generalis secundi. Lib. 3. Constitut: 7.

Porro, cum dicti Officiarii, plerunq; inordinata cupiditate, emolumentū sibi quærere de bonis Conuentus non vereantur, & propter sua priuata commoda, magnam sæpenumero iacturam in bonis communibus faciant, prætendentes id sibi licere propter labores & molestias, quas in tali obsequio sustinent.

Proindè præcauentes, ne in posterum aliquid huiusmodi facere præsumant, statuimus vt si qui tales ex rationibus singulis mensibus Patri Custodi, & Vestiaris reddendis, deprehensi fuerint, ab eo officio statim amoueantur & præterea seuerè puniantur.

DE OFFICIO
IANITORIS.

Statuimus vt in posterum portitor siue Ianitor (qui ad Ianuam Conuentus in Hypocausto, ad eum præcipuè vsum, nouiter constructo, semper inuigilet) fidelis à Patre Custode instituat. Huius officium erit, ne quam ex prohibitis personis, iuxta Bullam summorum Pontificum Pii V. & Gregorii XIII. septa Monasterii ingredi patiatur, illaque omnia arctissimè præcaueat, quæ Const. 6 Lib 3. cap. Gen. 2. de clausura in constitutionibus expressa, habentur. Idem diligenter illos Fratres obseruabit, qui cum mulieribus colloqui, à Patre Custode vel qui illam dare potest, facultate non accepta, præsumperint, & tales Patri Custodi, nil dissimulando, deferet. Neminem præterea nisi licentia à superiore obtenta (quam ille binis tantum, idq; hora reditus præfixa, concedere debet) extra claustrum egredi permittet, & vt portæ claustrum semper clausæ habeantur, diligenter aduertet.

Quod si quempiam ex Fratribus, per falsas & secretas portas de Conuentu, siue noctu, siue interdiu, egredi & extra Conuentum pernoctare cognouerit, de tali mox Patri Custodi significet, eumq; manifestet, vt pro tali & tanto crimine eas pœnas luat, quæ superius sunt expressæ, alias si P. Custodem de aliquo celauerit, Carceris, vel aliquam aliam Pœnam, arbitrio eiusdem imponendam, ipse subire debet.

Eiusdem quoque officium erit. In Dormitorio noctu, antequam se Fratres Cubitum conferant, lumen in lucerna affixa tenere, & iterum quando datur pulsus ad Matutinum, illud accendere.

DE OFFICIO

OMNIVM FRATRVM IN CON-
uentu manentium, tam quo ad vitam reli-
giosè instituendā quam quo ad Sacramen-
ta ritè administranda.

CVM præcipuum studium Religiosorum esse debeat, conari die noctuque, vt anima illorum per orationem & contemplationem Deo sit coniuncta. Ideo Fratres omni studio & diligentia orationi & contemplationi quam sæpissime vacare, & mentem suam in Deum eleuare, omnesque actiones suas ad præscriptum Regulæ, & Constitutionum Regularium, dirigere debent. Qui enim in Conuentu, vitam Professionis suæ consentaneam, non agunt, frustra viuunt in Monasterio, Fundatoresque decipiunt, qui pias & religiosas illorum elemosinas indignè absumunt.

Præcipuè autè Temperantiam sanctam, in esca & potu (in quo mensura in Cap. Gen. 1. cap. 7. descripta, in posterum obseruari debet) seruèt; quatenus omni die, ad tremendū illud Missæ sacrificiū peragendum, dignè accedere sint parati; vtque preces eorū, quas fundunt pro plebe, in conspectū Dei ascendant, & sint ad impetrandum, id quod petunt, efficaciores. Ebrietatem autem veluti vastum quoddam vitiorum omnium Pelagus, summo studio fugiant. Nihil enim minus decet Religiosos, quam computatio & comessatio. Siquidem tales, Monasterium pœnitentiæ & sobrietatis receptaculum, in luxus, deliciarumque voraginem, cōmutant.

Inuicem sibi honorem deferant; Iuniores Presbytero venienti
in Ecclesiam, vel in Commune Hypocaustum, assurgant, & debito ho-

bito honore eum præueniant. Cum autem male dictus sit homo, qui opus Domini facit negligenter. Ideò diuina officia, iuxta distributionem horarum à nobis præscriptam, & circa finem Constitutionum Præsentis Capituli, insertam, attentè & distinctè absoluant, & in iis piè, ac deuotè, se gerant; Psalmos, & Lectiones (quæ etiam à Presbyteris legi per ordinem debent) distinctè pronuntient, memores præsentis Dei, in cuius conspectu, vnà cum purissimis illis Angelicis Spiritibus, laudes Diuinas decantant.

Ad prolationem autem nominis Iesu, Beatissimæ Mariæ Virginis, vel Gloria Patri &c. capita aperiant, & reuerenter assurgant. Presbyter item Homiliam lecturus, semper in medium iuxta antiquam consuetudinem, egrediatur.

In Chorum quoties veniunt, genu flectant, & antequam Stallum ingrediantur, vnā Orationem Dominicam, & Salutationem Angelicam dicant. Eodem quoque ordine è Choro discedant. Sub tempus autem horarum Canoniarū, non debent indè exire, nisi urgente necessitate, licentia tamen prius à superiore accepta.

Circa mediam noctem (diebus Festis solemnioribus, in Distributione horarum infra apponenda, specificatis, exceptis: quibus propter populi commoditatem, circa tertiam horam post mediam noctem, in Choro inferiori, præmisso competenti pulsu, & Foribus Ecclesiæ apertis) in posterum Matutinum decantari debere censemus. Signo dato omnes ad decantandas matutinas preces, protinus sese in Oratorium conferant, præcincti zona, supra tunicas vel pelliceos. Eos autem qui ad decantandum matutinum non veniunt. Prima quidem vicè vno ferculo, altera duobus, tertia omnibus ferculis prandii atq. potu Pater Custos priuet. Quod si aliquis amplius negligens esse perexerit, ad extremum nobis tam negligentem & desidem Fratrem denunciet.

In absentia autem nostra, eum publicè in Capitulo coarguat, & talem

talem Pœnitentiam ei assignet, vt correctus nunquam posthac officio suo desit, qui autem aliquam ex horis diurnis intermiserit, is pro hac negligentia, quinque Orationes Dominicæ, tempore Prandii, flexis in terra genibus, recitabit.

Cum verò ad vitam Spiritualem instituendam, & Diuinum amorem concipiendum plurimum, oratio mentalis conducatur, iuxta id quod ait Psalmista. In meditatione mea exardescet ignis. Ideò Fratres singulis diebus, iuxta Præscriptum, in distributione Horarum inferius insertū, ad minus vnā quartā horæ Orationi mentali (sumpta Methodo, in libello de vita religiose instituenda, Auctore Patre Aluares Societatis Iesu, descripta) vacabunt. Vespertino autem tempore, non prius se cubitum conferent, quàm examen conscientie iuxta Præscriptum eiusdem libelli, (vel quod ad calcem patronorum Ordinis habetur) præmiserint.

Const. 6. Cap. Gen. 2. de Clausura Conuentus, similiter Constit. 2. Lib. eiusdem, de fugiendis colloquiis & familiaritate cum mulieribus, Fratres exactissime obseruent, Quòd si quis transgressor illarum repertus fuerit, & si cum mulieribus licentia non obtenta, colloqui, vel per falsas & secretas portas, de Conuentu noctu vel interdiu exire, & extra pernoctare audeat, preter pœnas in Constitutionibus Ordinis determinatas, etiā sessionem triū dierū in arctioribus carceribus, talem subire debere, declaramus.

Lusum chartarum, alearum, ac tesserarum omnino in Conuentu prohibemus fieri, deprehensi autem, in pane & aqua, ieiunare vnū diem cogantur.

Habitus honestum non tamen superfluum, huic nostræ religioni peculiariter in præteritis Capitulis assignatum omnes deferant, præsertim verò Pallium ad brachia emittenda scissum, & Crucem rubeam geminam insignitum.

Arma in cellis non retineant, sed si quæ pro vsu itineris habuerint, ea in communi Vestuario asseruanda, deponant.

In Cellis singuli detineant imaginem Crucifixi, & alias pias Sæctorum imagines, illas autem non habenti, de communi carbona ex sorte eum concernenti per Patrem Custodem cõdemantur.

Silentium omni tempore ab omnibus Fratribus in Choro, Refectorio, & in Dormitorio seruetur, excepta vna hora recreationis post prandium, & altera post cœnam seu sessionem, ac media post horas Vesperarum. Si vero improbitas vel importunitas alicuius Fratris absq; licentia superioris, & absq; vrgenti causa silentium frerit, vel distributioni horarum non attenderit, à Patre Custode puniatur, prout superius de officio Custodis est expressum.

Litteras incio Superiore nec ab aliis recipiant, nec ipsi mittant, & eas in posterum sigillo communitatis obsignent. In omnibus denique actionibus ita se Fratres gerant, quemadmodum Regula ipsa, quæ totius Religiosæ vitæ normam tradit, & vocatio illorum requirit.

Porrò quandoquidem huic Ecclesiæ nostræ Conuentuali annexa est cura animarum, hortamur plurimum omnes Fratres vt Sacramenta Parochianis decentè & tempestiuè administrent, iuxta Præscriptum Capituli Generalis Secundi toto lib. 1. quem diligenter quilibet Presbyter perlegat, & quantum fieri potest memoriæ mandet. Librum etiam Agendorum & Epistolam ad Parochos, singuli præ oculis habeant, & in administratione Sacramentorum se, quàm maximè eis accomodent.

Quoties Sacramentum Baptismi administrari contingit, ipse Presbyter superpelliceo indutus, reuerenter per seipsum, non vero per Clericum (quod hætenus minus decentè fieri consuevit) Olea sacra ad fontem deferat: gratis & promptè (nisi si quid sponte ratione elemosinæ offertur) vt alia Sacramenta, ita & hoc administret, & quidem cum actuali intentione regenerandi hominem in Christo, & faciendi quod facere intendit Ecclesia, adhi-

bita debita materia & forma. Aqua autem capiti infantis infusa, in vas ad id destinatum excipiat, ad eamque superfundendam non vola manus, sed cochlear aliquod argenteum vel stanneum paruum adhibeatur.

Illi qui ad Confessiones excipiendas pro tempore fuerint destinati, & ab officio approbati ea omnia quæ in lib. 1. Constit. 5. cap. 2. Generalis præscribuntur ad amussim obseruent, ac præterea nouerint, quæ sint Pœnitentiæ partes, quæ huius Sacramenti necessitas, quæ Materia, quæ Forma, quis illius effectus, quis minister, quæ conditiones in eo requiratur, quæ regulæ ad dignoscendum & distinguendum peccatum mortale à veniali, quando & quibus de causis confessio est iteranda, quæ sint circumstantiæ peccatorum, & quæ mutant speciem peccati, quæ restitutionem postulent, quibus criminibus annexæ sint censuræ, qui denique Casus sedi Apostolicæ, & qui Locordinario reseruantur, &c. Sciant item pro statu cuiusque personæ accomodandum esse excipiendarum confessionum modum, vt aliter eorum qui Matrimonio iuncti, aliter Continentium, aliter Laicorum, aliter Clericorum, exploretur conscientia.

Qua in re, vt Confessarii tanto diligentius se exercent, plurimum expedire iudicamus, si per duos eruditos Fratres in Capitulo Generali ad hoc munus deputatos, singulis quatuor anni temporibus, de profectu in studiis, Casuum conscientiæ examinètur. Et quomodo peccatorum rationes & discrimina cognoscere possent, informètur. A quibus etiam illi qui Ordinibus sacris adscribendi erunt antequam ad Episcopos mittantur, examinari debebunt, an ea eruditione sint præditi quam illius gradus, ad quem promouendi sunt functio desiderat, iuxta Constitution: 6. libro. 2. Cap. Gen. 2.

Propter Religiosos verò cõfidentes necessariū omnino videtur,

vt Con-

vt Cõfessarii Ordinis nostri Casus Religiosorum reseruos nouerit, à quibus iidem, non nisi à propriis Prælati, vel ab illorum substituti absolui possint. iuxta ordinationem Bullæ à Clemente Octauo. quæ in officio Patronorum Ordinis inserta habetur, super ea re emanatæ. secundum quam & Constitutio illa, quæ lib. 2. Cap: Gen: 2. de Casibus superiori Ordinis nostri reseruatibus habetur, est moderanda.

Eucharistiæ Sacramentum cum in Ecclesia distribuitur, candel-la accensa à Clerico superpelliceo induto præferatur. & mantile mundum, vel Patina mento communicantium supponatur.

In Pixidibus seu Vasis cum ad Infirmos, in Ciuitatem itur, sine cõsecratæ adminus duæ vel tres Hostiæ, vt in reditu remaneat Hostia quæ à populo adoretur.

Quoties verò Presbyter defert ad Infirmum Diuinissimum hoc Sacramentum, semper deinceps adhibeat Clericum coadiutorem, superpelliceo indutum. Adhiberi etiam debet catus per duos Scholares, à nobis & à Fraternitate S. Annæ salarios cum luminibus accensis inter eundum & redeundum. Presbyter autè deferens ne minimum quidem oculos à Sacratissimo Sacramento remoueat, & antequam domum infirmi ingrediatur, præmittat, qui locū præparet pro decenti huius Sacramenti collocatione. Infirmumq; verbis ad id idoneis hortetur, vt humiles Deo gratias agat quod dignaretur ad se venire, ac post sũptionem iterum moneat; vt acceptam per hoc Sacramentum gratiam, in se diligenter conseruet.

In Concionibus quoq; frequèter populus moneatur ad hoc Diuinissimum Sacramentum cõmittandum, propositis indulgentiis à Sũmis Põtificibus, iis qui huic tam pio operi interfuerint, cõcessis.

Vtus Sacramenti Extremæ Vnctionis similiter à Cõcionatore sæpius populo inculcetur, & Infirmis quoties illud postulauerint, nõ differatur administrari.

Presbyter autem cum Clerico, accepto superpelliceo & stola cum vasculo olei infirmorum, atq; aqua benedicta, accedat ad ægrotum, interim dicens Psalmos pœnitētiales vel alias preces pro infirmo. Cum verò ad locū venerit, paratis omnibus, accensa candelâ Sacramentum ex libro rituali conferat.

Commendationi item Animæ Agonizantium libentèr assistant Presbyteri vocati, ipsosq; in huiusmodi ultimo vitæ conflictu constitutos, oratione adiuuent, & corroborent, iuxta præscriptum Polanci de modo iuuandi morientes, & Ianussouii de arte moriendi.

Cum autem Regula & Regulares Constitutiones seriò prohibeant, ne Fratres paupertatem Professi, etiam doni vel Eleemosinæ nomine, in scio superiore quicquam recipiant, ideò veteri consuetudini inhærentes, statuimus, vt oblationes & Eleemosynas quæ dantur pro celebratione Missarum, vel pro Administratione Sacramentorum nemo audeat pro se vsurpare, sub pœna Sacrilegii, sed statim illas referat ad Sacristam, qui in Registrum ad hoc paratum illas adnotet, & in carbonam communem deponat, quam singulis Quartualibus in præsentia Patris Custodis aperiet, & pecuniam inde prouenientem inter Fratres ex æquo diuidet. Verum vt vitium Proprietatis quod Paupertati Religiosæ maximè repugnat, facilius à Fratribus in Monasterio degentibus euitari possit, decernimus vt in posteram pecuniam, tam ex communi carbona, quàm aliunde prouenientem, omnes in vnum promptuarium pro numero Fratrum, Cistulis ferratis distinctum deponant, à quo clavis sit penes Custodem, à singulis autem Cistulis penes Fratres prout eos concernēt, ita vt securi quidē sint de deposito, eo tamen, in scio Præposito vel Custode, pro sua voluntate uti non possint.

Vt autem facilius Fratres nostri percipere, ac cōcoquere possint, quantò in periculo salutis æternæq; damnationis, omnes ii versentur Religiosi, qui (& quidem sine vilo prorsus conscientiæ scrupulo) ita

ita detestandæ ac perniciosæ inhiant proprietati, ac si nullum vnquam S. Paupertatis solemne votū emisissent, & ne hoc malum vterius serpat; hæc puncta ad euitandam proprietatis labem, tam ex SS. Canonibus, quàm etiam Oecomenicorum conciliorum decretis, ipsaque sanctissimi P. N. D. Augusti Regula deprompta hic inferenda, diligentique Fratrum trutinæ, ac considerationi comitenda esse duximus.

1. PROPRIETAS IN QVOLIBET RELIGIOSO ordine, omnium dissolutionum exorbitantiarumque est primaria & Principalis causa, ex qua cum alia plurima, tum potissimum execrandum Auaritiæ vitium inter Religiosos exoritur, hinc verò postea rixæ, contentiones, contra Superiores murmurationes, imò etiam conspirationes voluntariæ ac deliberatæ, Statutorum ordinis votorumq; essentialium transgressiones, aliaq; infinita mala facile subsequuntur.

2. Communis vitæ ratio quo ad victum, & vestitum adeò est Religiosis necessaria, vt ea non diligenter obseruata Paupertatis votum (quòd nil proprii admittit) vix ac ne vix quidem inuiolatum esse possit. Vnde tam Prælati quàm subditi grauissimè peccat, & sunt in statu damnationis, per quos stat quò minus omnes Religiosi vitam agant communem.

3. Religiosus Professus solennitèr cuiuscunque instituti Ordinisue fuerit, simpliciter est incapax, in particulari omni dominio rerum mobilium, & immobilium temporalium, Quia per solemnem Professionem, non tantum renuntiat, omni dominio, sed etiam reddit se in capax illius Et hoc intelligendum est de quibusuis Religiosis etiam Beneficiariis, quales sunt in Religione nostra Præpositi, Plebani, qui licet habeant ius administrandi & dispensandi fructus suorum beneficiorum, non tamen habent dominium tam ipsorum beneficiorum, quàm fructuum. Vnde non possunt de his fru-

his fructibus aliter disponere, nisi ad congruam statui suo sustentationem, Ecclesiæ necessitates, aliasq; pias causas, & non in res vanas, nec ad ditandos amicos, alioquin non tantum ipsi beneficia, sed & illi peccant, qui ab eis aliquid (nisi fortè per modum Eleemosinæ) accipiunt.

4. Peccat Religiosus mortaliter, si velit penes se aliquid retinere, tanquam proprium, aut eo uti, tanquam proprio, & independenter à Superiore.

5. Peccat similiter, si donet aut alienet aliquid sine tacita vel expressa facultate Superioris, & talis alienatio cum sit illicita; irrita est censenda, nec ille qui donum à religioso accipit, suum facit, sed tenetur superiori religionis restituere, iuxta Bullam Clementis VIII. quæ incipit, Religiosæ.

6. Si est Religiosus dispensator aut administrator aliquarum rerum, non potest eas distribuere pro suo arbitratu, sed tantum ex præcepto & mente Superioris; & si qua in re à mente Superioris recesserit, incurrit proprietatem. Nam ita dispensat, ac si esset Dominus, & ad alterius Dominium non pertineret.

7. Non potest mutuo aut comodato dare, sine consensu Superioris, quia tantum habet usum rei & eum precarium, vsuarius autem non potest alteri usum concedere ut habetur Instit. de vsu & Habitatione. §. 1. & 2.

8. Non licet ei quicquam etiam ab externis & consanguineis accipere sine consensu Superioris, ea præsertim intentione, ut illud sibi appropriare velit.

9. Non potest etiam ad usum sibi quicquam ex rebus communitatis vsurpare invito Superiore.

10. Peccat Religiosus si quidquam abscondat, illudq; subducatur liberæ Superioris dispositioni, hoc enim furtum, & Sacrilegium est.

11. Tenetur

11. Tenetur Religiosus in iis quibus utitur conseruandis eam præstare diligentiam, quam adhibere tenetur is, qui re aliena utitur.

12. Res superfluas non potest habere etiam cum licentia superioris, potestque hac in parte peccare mortaliter, si habeat aliqua quæ statum suum non deceant.

Haftenus de Proprio.

DE CONCIONATORE.

Quoniam vero in Prædicatione Verbi Diuini, maxima & precipua pars curæ animarum consistit. Ideo dabit operam Pater Custos, ut antequam ad munus Concionatoris aliquem ex Fratribus deputatum pro approbatione ad officium remittet. Primò vitam & doctrinam eius exploratam habeat, diligenterque provideat, ut talis designetur, quem pietas, vitæ honestas, & doctrinæ puritas, commendet & cuius doctrina cum vita consentiat. quiq; in priuatis Refectorii Concionibus (in quibus se Fratres in posterum diebus præsertim festis exercere debebunt,) doctrinæ, ingenii, & facundiæ, specimen sæpius exhibuerit.

Maioris autem Commoditatis causa, tempore Hyemali Hypocaustum habebit, & ab horis decantandis liber erit. Cum autem antiqua consuetudo sit, ut pomeridianæ Conciones, singulis diebus Dominicis & Festis principalioribus à Fratribus, à Patre Custode assignatis habeantur, id in posterum obseruari debebit, ubi vel maxime populus in rudimētis fidei, doctrinaq; Christiana, iuxta præscriptum Catechismi Romani, informandus erit.

In Concionibus autem faciendis, eam Methodum seruabunt, quæ in Statutis Synodorum Prouincialium, & Diocæsanarum, cum & in Epistola Pastoralis, Illustrissimi olim Cardinalis Macieiovi descripta habetur.

DE OFFI-

DE OFFICIO
PROVINCIALIUM.

Prouinciales, qui vt officio ita etiam vitæ & morum integritate Regulari; obseruantia aliis præstare debent, ita se gerât, prout illorum officium in Cõstit: 8. Lib. 3. Cap: Gen: 2. descriptum exigit: præcipuè verò hæc duo puncta, perquàm studiosissimè exequétur. Imprimis Ecclesias ditioni suæ subiectas, omnes qui dem semel in Anno tempore in Capit: Generali 2. lib. 3. Constit: 16. præscripto. Singulas autem emergente aliquo Casu, quoties necessitas postulauerit, per se visitent, diligentemque de vita & conuersatione Fratrum ad suam Prouinciam pertinentium, inquisitionem facere non negligent. Excessus si quos fortè aduerterint, leuiiores quidem (iuxta Constit: præscriptum) ipsimet puniant, grauiores autem ad nos deferant. Alterum verò est, vt saltim singulis Anni, quatuor temporibus, ad Reuerendissimum Generalem litteras mittant, quibus eum de rebus omnibus suæ Prouinciæ, cõmune faciant, & consilium de rebus arduis & difficilioribus exquirant.

Omnes autem Fratres extra Conuentum manentes, illis in omnibus rebus ad officium ipsorum spectantibus, non aliter quàm nobis ipsis obedire, & debitum honorem, & reuerentiam exhibere debent.

Quoniam autem de Electione, & de numero Prouincialium, in Constit: Ordinis nostri, nil expressum habemus, ideò statuimus, vt in posterum, non nisi à Capitulo Generali quatuor deligantur, & quidem tales qui huic muneri pro dignitate Ordinis nostri, & utilitate Ecclesiarum illis subiectarum, respondere possint. Si tamen aliquem ante tẽpus Capituli Generalis, è viuis decedere contigerit,

tigerit, liberum erit Præposito Generali, alium in locum demortui surrogare, à futuro Capitulo, si idoneus fuerit, approbãdum.

Debent autem esse numero quatuor, videlicet maioris Poloniæ, cui Ecclesiæ Gnesnen: Sempelboriensis, Pysdrensis, Siradiensis, & Grodziscensis. Minoris Poloniæ, cui Ecclesiæ S. Hedugis in Stradom, Wrocimouiensis, Vneiouiensis, Wrociriensis, Chelmenis, Zarnouecensis, Chodouiensis, In minori Polonia. Bythomiën: Charzomenis: In Silesia, Landecensis, Lapsensis, & Ianusouien. in Vngaria, Russiæ, cui Ecclesiæ, Præuorscensis, Lesaiscensis, Gniwcynensis, Giedlarouiensis, Vrzeuicensis, Rudolouiensis, & Tulliglouiensis, Masouiæ, cui Ecclesiæ Vissegradiensis, Rembouien. Scarisouiensis, Gorznensis, Rypinensis, & Legonicësis. vnà cum suo clero perpetuò subiectæ esse debent.

DE OFFICIO
PRÆPOSITORVM ET
PAROCHORVM

In Beneficiis Ordini annexis manentium.

Cvm alia sit ratio Beneficiorum Sæcularium, alia verò Regularium, & aliis seculares, aliis verò ii, qui per emissionem votorum solemnium arctiorem viuendi statum amplexi sunt, legibus teneantur. Proindè ne Fratres Ordinis nostri, qui ad beneficia ordinis obtinenda Capitularitèr à nobis deputantur; eo ipso quod extra claustrum degant, maiorem sibi licentiosè viuendi occasionem oblatam esse arbitrentur; Præter ea, quæ in Constitutionibus Ordinis præsertim verò Constit. 10. lib. 3. Cap. Gen: Secundo de

Propositorum & Plebanorum officio, sancita sunt, hæc puncta addenda, vel potius ex iisdem Constitutionibus deprompta, in meliorem methodum redigenda, diligentiq; Præpositorum & Plebanorum Ordinis nostri, nostræ iurisdictioni subiectorū, executioni demandanda esse duximus. Imprimis omnes, tam Præpositi, quàm Plebani Religiosæ vocationi suæ semper sint memores, & ad præscriptum Regulæ & Constit: Ordinis, quàm maxime vitam suam & mores accomodare studeant, eamq; iuxta obligationem nostri instituti, adminus semel in Septimana ad mensam prælegant. Et quia (vt potè extra claustrum manentes) in maiori periculo frequentioriq; occasione peccandi versantur. idcirco eo maiora pietatis aliarumq; virtutum præsidia, sibi comparare studebunt, dabuntq; omnem operam, vt vel ex ipsa conuersione, facile à quolibet veri Religiosi dignoscantur.

Inter alia vota essentialia, vel maximè Paupertatem, quæ totius Regularis disciplinæ firmissima, basis, ac fundamentum est. semper præ oculis habeant, & secundum doctrinam hac de re superius traditam se gerant, neq; bonorum, aliorumq; fidei suæ commissorum prouentuum Dominos, sed potius temperaneos dispensatores & administratores se esse sciant; ac proinde in iis dispensandis, non quod propriæ lubet voluntati, sed quod Regulæ ac Constitutionibus, sacrisq; Canonibus cõformè ac consentaneum est faciendum esse meminerint, eaq; præstent, quæ fidelem dispensatorem decent. Quod vt eo facilius exequi possint, volumus vt Præpositi, Plebani, & quicumq; beneficia Ordinis nostri, cuiusvis conditionis obtinent, ita redditus & prouentus suos distribuunt, vt quotidie si opus fuerit, ad rationes reddendas, parati esse possint. Ac præterea vt omnium reddituum ac expensarum, fideliter ac diligenter cõscripta habeant Regestra, illaq; quotannis semel idq; immediatè circa Festum Diuisionis Apostolorum, vel alio huic proximo opportu-

niori.

niori tempore, siue per se, (si ita commode fieri poterit) siue per suum Vicarium, aliamque idoneam personam ad nos Michouiam: in absentia verò ad Custodem pro tempore existentem transmitti curent. Ne autem aliquid de bonis aliisque Prouentibus Ecclesiarum, siue per incuriam beneficiatorum, siue per alium quẽpiam modum depereat, ordinata Inuentaria tam sacræ rei Ecclesiastica, quàm etiam supellectilis Domesticæ habeant, & ea fideliter & ordinate descripta singulis trienniis ad Monasteriũ trãsmittant.

Volumus præterea, vt singuli Beneficiati, in posterum habeant librum, in quo omnia Priuilegia, ad suam Ecclesiam spectantia, de suis originalibus describant: ipsa autem Originalia Priuilegia nullatenus penes se retineant, sed ea quamprimùm ad Archiuum remittant Conuentus, in quo etiam libro specialiter annotare debent omnes prouentus & redditus beneficiorum suorum, tam eos quorum sunt in vsu, quam eos, qui vel negligentia antecessorum suorum, vel iniquitate temporum deperierunt.

De bonis ad Ecclesiam suam pertinentibus (quoties necesse fuerit) iure agant, in iisque defendendis, ac recuperandis (si quæ fortè per negligentiam Antecessorum suorum alienata fuerint) sumptui non parcant. De omnibus verò Reuerendissimum certiore faciant, nequè ipso inscio, de controuersis, maioris præsertim momenti, priuata authoritate transigere, & multominus per mutationes donationes, vel (quod absit) venditiones, aut alienationes bonorum, ad suas Ecclesias spectantium, facere præsumant, sub pœnis à SS. Canonibus statutis, & aliis à Reuerendissimo irrogandis.

Circa administrationem Sacramentorum (qui curam animarū habent) ita se gerant, prout liber Agendorum, Epistola ad Parochos, & Constitutiones Ordinis, per integrum librum primum, Cap. Gen. 2. hac de re sancitæ præscribunt, ac præterea lectioni Casuum conscientie diligenter incumbant, nec quicquam pro ad-

ministracione Sacramentorum exigant, præterquam si quid spontè per modum Eleemosinæ illis offertur.

Cum autem sancta sanctè tractanda sint, puritati conscientiæ, vel maximè studeant; Examen Conscientiæ, antequam conferant se cubitum, quotidie faciant, & mane orationi mentali, seu meditationi, ad minus per vnum quadrantem vacent: neque peccatorū Confessionem in longum differant tempus, sed ad minus semel in Septimana, (nisi sæpius Conscientiæ testimonium requirat,) iuxta præscriptum Constitutionum siue fratri, siue alteri cuiquam Præsbitero, approbato tamen, ritè Confiteantur, si autem in aliquem casum reseruatam inciderint, ad Prouincialem pro absolutione recurrant. Quod si aliquis commoditate Confitendi destitutus, aliquo peccati scrupulo angatur; non audeat ad Diuina Officia, præsertim verò Sacrosanctum Missæ Sacrificium, nisi prius feruentem contritionis actum, cum proposito quamprimum confitendi elicuerit; accedere.

Ante accessum autem ad altare (quod ad minus ter in Septimana, præter dies Festos, ex præscripto Constit: frequentare debent) diligenti præparationi, ad minus per vnum quadrantem insistant; neque item absoluta Missa, statim ad fabulas, aliasque varias occupationes, sed potius ad orationem siue vocalem, siue mentalem se conuertant.

Cum verò id potissimum ad Officium Pastoris spectet, vt oues suas agnoscat, & illæ vocem eius audiant, operæ precium fuerit, vt non tantummodo Vicarii (quod hæcenus quibusdam in locis consuetudine inualuit) sed etiam ipsi Beneficiati, nonnunquam diebus Dominicis, & solemnioribus Festis, (præsertim si non fuerint legitimè impediti) per se ad populum verba faciant, suosque Parochianos in rudimentis fidei, vt potè Oratione Dominica, Symbolo, Decalogi, & Ecclesiæ præceptis, quam diligentissime infor-

ment,

ment, modumque ritè Confitendi ac communicandi eosdem edoceant, ad audiendum quolibet die Dominico, & Festo sacrum Missæ Officium serio adhortetur: abusus, siue ex crassa quorundam simplicitate, siue ex deprauata consuetudine, inueteratos, tollere studeant, in vitia quæ præsertim inter suos Parochianos dominari aduerterint, in Concionibus acriter inuehantur, & quod caput est, nullum de seipsis scandali vestigium relinquunt. Præsertim verò frequentationes cauponarum; ebrietates, lusus alearum, extra proprias domus (quæ instar claustrum vbique locorum, etiam in villis esse debent) pernoctationes (nisi fuerint in itinere) omnino deuitent, nilque eiusmodi committere audeat, quod ipsi honestati statuique Religioso repugnet.

Ab Ecclesiis suis, diuturno præsertim tempore, sine vrgenti necessitate, non se absentent, sed domi assidue residentes, rei Oeconomicae ita attendant, vt cultus Diuinus in nulla re negligatur: Familiam Domus in honestate, & disciplina retineant; & ne quid indecens (quod Deus auertat) in domo Religiosa fiat, diligenter prouideant.

Quia verò non sine graui dolore nostro, cum ipsamet experientia, tum crebris Fratrum ad inuicem, quæ ad nos deferuntur, querimoniis edocti sumus, debitum amorem Fraternalium, difficilè reperiri inter Beneficiatos & Vicarios; tum quod illi ea quæ de victu & amictu, aliisque necessariis Fratribus Vicariis suppeditandis, in Constit. Ordinis sancita sunt, iisdem denegent, tum quod isti proprietati magis quam necessitati studentes, necessariis non contenti, superflua ab eis exigant, neque tamen quidquam de suis obventionibus superioribus suis concedere velint; Proinde, vt omnis in posterum hisce altercationibus ac querimoniis aditus percludatur, statuimus ac serio præcipimus. Inprimis vt Præpositi & Plebani debito amore Fraternali, (quem vitæ & morum statusque similitudo

F 3

facile

facile conciliare potest, & debet) Vicarios suos prosequantur: & quemadmodum omnium laborum, qui in Spirituali administratione Ecclesie suscipiuntur; sunt participes & socii; ita victu & rebus aliis dissimiles esse non debent, sed vt communi illaque decenti mensa vtantur, necesse est. Non solum autem victum sed amictu quoque, aliaue necessaria, quæ in Conuentu Fratribus suppeditantur, (iuxta Constit. X. Cap. Gen. 2. lib. 3.) Beneficiati Vicariis suis, in posterum tenebuntur providere, hoc pacto, vt quid quid Vicarii siue ex Elemosinis siue (vt vocant) petitionibus, siue ex aliis quibuscunque piis Benefactorum collationibus, (quas tamen insciis Superioribus accipere nunquam illis fas erit) acquisierint, id totum in Carbonam, cum scitu eorundem superiorum suorum, quorum sunt Vicarii reponant. Illi vero nulla quidẽ Quartualia (quod hactenus non sine graui paupertatis iactura, passim obseruatum est) Vicariis suis ad manus tradant, sed eadem similiter in Carbonam communem, iuxta quantitatem hactenus obseruatam (in Gnesnensi autem Præpositura, vbi nullæ ferè sunt Vicariorum obuentiones in duplo augentes) deponant: atque ex tota hac pecunia, ex Carbona sumpta, vel ipsi necessaria provideant, vel ab ipsis Vicariis cum scitu suo, eadem comparari permittant. Quod statutum ita penitus volumus obseruari, vt si in aliorum, certe in huius transgressores, serio nos animaduersuros polliceamur.

Cæterum cum & variis summorum Pontificum decretis, sub grauissimis Ecclesiasticis censuris prohibitum, & ipsis Ordinis nostri statutis quæ diligentissimè cautum sit, ne vllus ad omnium Regularium cuiuscunque instituti, Ordinisque domos & loca, mulieribus aditus pateat; Nos verò eiusmodi pleraque habeamus Beneficia, quæ ad rem Oeconomicam cum fructu administrandam, ministerio mulierum saltem ætatis prouectioris indigeant, idque in Constit. 2. lib. 3. Cap. Generali 2. concedatur; talis moderatio

hac in

hac in parte videtur adhibenda, vt nimirum beneficiati nostri, ad euitandam cum mulieribus conuersationem, præter commune hypocaustum, separatas aliquas habeant mansiunculas, ad quas nulli omninò saminæ (siue illa domestica siue externa fuerit) accessus pateat. Cæterum Constit. 2. lib. 3. cap. Gen. 2. de Habitatione Religiosorum in omnibus punctis satis fieri volumus.

Cum leuioribus leuiora, grauioribus autem atque adedò periculosis vulneribus efficaciora medicamenta sint adhibenda, nedum graues morbi minus efficacibus curantur pharmacis, eo grauius inualescunt neq; in posterum aliis quibusuis etiam efficacissimis iisdem mederi possit. Proinde etsi hactenus ea de re, vix aliquid expresse in Constit. Ordinis habeatur, tamen cum ad nos nostramque pertineat conscientiam, de meliori Fratrum curæ nostræ commissorum statu semper providere, autoritate nostra, qua in hoc Ordine, Diuina disponente, voluntate fungimur: Statuimus vt si qui (quod Deus auertat) Ordinis nostri Beneficiati Religiosæ vocationis suæ, votorumque essentialium oblitii, crimine incontinentiæ fuerint notati, pessimumque exemplum aliis; maximè autem Parochianis de seipsis præbuerint, post Præmissam vnam atq; alteram à Reuerendissimo admonitionem, & correctionem, nullo tamen emendationis effectu subsequente, tales in posterum, si ex inquisitione, rei huius abominandæ turpitudinis reperti fuerint, siue vllò iuris strepitu ipsis beneficiis priuentur, & in Conuentum reuocati in ordinem aliorum Fratrum redigantur: acturi isthuc poenitentiam quæ illis assignata fuerit.

Non solum autem sui, sed etiam Fratrum Vicariorum diligentem debent habere curam: ipsisque (quod superiorum proprium est) ad omnem virtutem sint exemplo & incitamento. Quocirca ipsorum domos sæpius visitent, singulisque Quartualibus, rationem de Elemosinis, aliisque ipsorum obuentionibus diligenter

exigant,

exigant, neque sine scitu suo ab illis, vel minimum quid piam comparari permittant. Infirmis debitam charitatem exhibeant. Horas Canonicas simul recitent; frequentes de rebus ad salutem vitamque religiosè instituendam pertinentibus, inter se colloquutiones habeant, neque tempus ab aliis curis vacuum incassum abire patiantur.

Quod si verò aliquis Vicariorum, à verò virtutis ac Regulæ tramite deflexerit, cum continuò suos admoneat Superior, ne fortè silentium sit causa vltioris mali: Si verò idem Vicarius admonitionè Superioris sui cōtempserit, iterumque in aliquo defectu vel excessu notatus fuerit, nos qui omnium curam gerimus. Præpositis & Plebanis damus facultatem, tales Fratres tanquam inobedientes puniendi, siue Carcere, siue Cilicio, siue priuatione mensæ, imò suspensione à Diuinis, iuxta quantitatem delicti. Quod si neque ista curauerint, ad Prouinciales eos deferant: ingrauescente autem ipsorum insolentia, ad nos Miechouiam pro grauiori correctione, præscripto ipsorum excessu, pedester remittant.

Quoties verò tam ipsos Beneficiatos, quam alios Fratres ad Cōuentum alicuius negotii causa venire contigerit, statim intra Scripta Monasterii se conferant, neque in ciuitate pernoctare, & multòminus comestationibus & computationibus, ibidem indulgere præsumant: Quod si suam liberalitatem Fratribus in Conuentu residentibus in exhibendo præsertim, aliquo vini poculo, declarare voluerint, id in Conuentu pro vsu communis mensæ (moderate tamen) facere poterunt. Nobis autem curæ erit, pro Paterno erga omnes amore, vt quamprimum commoda aliqua habitatio pro Fratribus Hospitibus, excipiendis præparetur, & omni necessaria supellestili instruat.

Quandoquidem autem Prouincialia Statuta, aliæque Ecclesiasticæ ordinationes id prohibent, ne Religiosi Regularia, & quæuis alia beneficia obtinentes, solitarii ac sine socio (qui ipsorum
Religi.

Religiøsæ cōuersationis testis esse debeat) extra claustrum viuere præsumant; id autem apud nos (vbi in quibusdam locis, ob tenues Prouentus non nisi vnus Frater degit) minimè obseruetur. Proindè & si non facile, sanè hac in parte modum reperire est, quo & Ecclesiasticis Decretis, & conscientiæ Fratrum consuli possit, vehementèr tamen optaremus, vt vbiunque reditus Ecclesiæ ferunt expensas ad alendum Vicarium, is deinceps Præposito seu Parocho adiungatur, qui sit morum & Conuersationis illius veluti testis, vbi autem adeò exigui sunt Prouentus, vt nequaquam pro duobus Fratribus alendis sufficiant, neque aliqua ratione, præsertim verò recuperatione amissorū & alienatorum augeri possit. Talia Beneficia potius in manus Ordinariorū tardatū: quàm cōtra Canonum præscriptum & Regulæ institutum retineantur.

Non possumus non multum laudare R. P. Felicem Scariseuensem Præpositum Lesaiscensem, qui singulari sua prudentia & industria, non modo Prouentus Ecclesiæ suæ notabiliter auxit, verum etiam mansionariam in eadem Ecclesia erexit, quam nos ratam & gratam habentes, libenter approbamus & confirmamus. Tertiumque Vicarium è Conuentu, ad eandem Ecclesiam perpetuò assignamus.

DE OFFICIO VICARIORVM.

Vicarii, quando è Conuentu Generali Miechouienſi, ad aliquod Particulare Ordinis nostri Beneficium, subsidii causa, circa curam animarum mittuntur, cogitent imprimis, iisdem planè Religionis votis, Ordinisque Conſtit: vbiunque locorum fuerint se teneri. Quare omnes hortamur ac præcipimus, vt ad præscriptum Regulæ & Conſtitut: Ordinis, vitam suam accomodare
G studeant,

studeant, eamque adminus semel in Septimana ad mensam præse-
gendam attentè audiant, & memoriter addiscant.

Officia Diuina iuxta loci consuetudinem, debitis & statutis ho-
ris deuotè ac summa cum attentione (nominatim verò Fratres,
circa Ecclesiam Præuorsensem residentes, præter Officium Bea-
tissimæ Mariæ Virginis, Primam maiorem singulis diebus Domi-
nicis & Festis) decantent, Sacramenta Parochianis tempestiuè,
decenterq; ad præscriptum Agendorum, & Constitutionum Ordi-
nis administrent, nec quicquam ab eorum administratione (præ-
terquam si quid per modum Eleemosinæ spontè offertur) exigat.
Eisdem Parochianos in fide & doctrina Christiana, in Concioni-
bus præsertim, prout de Parochis superius dictum est, diligentèr
instruant, illa verò quæ ad Credendū vniciuque etiam simplicissi-
mo (si salutem consequi vult) omninò sūt necessaria. Septem Sa-
cramēta, vt potè Mysteriū Sanctissimæ Trinitatis & Incarnationis,
pro captu auditorum frequenter explanent; Peccata grauiora præ-
sertim, seuerè increpent, fidelesq; ac strenuos in animarum salu-
te procuranda Prælatorum suorum Cooperarios se præstent.

Confessionem (iuxta præscriptum Constitutionum) adminus
semel in Septimana, vel sæpius quando id necessitas exigit, vel ti-
bi ad inuicem (si fuerint plures) vel superiori suo, vel cuiuspiam al-
teri cū scitu ipsius faciant. Aliorum verò Confessiones non au-
deant excipere, nisi prius ab Officio Locordinarii fuerint appro-
bati; Quam approbationem vt eò facilius consequi possint, tem-
pus (cuius magnam habent copiam) Sacræ lectioni & casuum cō-
scientiæ studio impendant.

Superioribus suis, penes quos interim manent, debitam exhibe-
ant reuerentiam, admonitionesq; ipsorum, non aliter ac nostras
accipiant, ipsiq; in omnibus (præsertim licitis & honestis) obtem-
perent, verbis & actibus morosis (quod Deus auertat) nisdem
nullo

nullo prorsus modo sint molesti, neque eorum familias perturba-
re, reiue Oeconomicae (nisi ipsismet rogantibus) sese miscere au-
deant. Silentium seruent, debito præsertim tempore videlicet ab-
solutis refectioinum & recreationum (quæ tamen in longum tem-
pus pertrahi non debent) horis.

Hora certa cubitum se conferant, atq; surgant, quæ per suos Su-
periores, pro temporis qualitate assignāda erit. Examen Cōscien-
tiæ vespertino tempore, singulis diebus faciant; Mane verò medi-
tationi, adminus vnum quadrantem impendant. Ac denique ante
& post Missæ celebrationē (quàm præter dies Festos, adminus ter
in Septimana, iuxta præscriptum Constit: absoluerè obligantur)
ita se gerant, prout superius de Beneficiatis & in Capit. Generali
secundo, Lib. 2. Constit. 1. est præscriptum.

In suis habitaculis semper se contineant, neque sine licentia
Superiorum suorum (quæ absque legitima causa eis faciliè con-
cedi non debet) extra septa domus Parochialis egredi audeant,
multo verò minus Tabernas, aliaque loca Religiosis minus com-
petentia adire, ibique (quod absit) comotationibus, Choreis,
alearum lusibus, aliisque inhonestis actibus, vacare præsumant.
Quod si aliquis secus fecerit, liberum erit Superiori, tam insolenti
Fratri pœnam incarcerationis, cilicii, Ieiunii & disciplinæ, (prout
superius dictum est) assignare, vel etiam si proteruus fuerit, eum à
Diuinis ad tempus suspendere.

Inter alia autem, id vel maximè omnibus Vicariis seriò præcipi-
mus, vt omnes à colloquiis & conuersatione mulierum abstineāt,
neque cum illis (nisi specialis consensus Superioris, causaque le-
gitima accesserit) colloquia habere audeant, multò verò minus ea-
sdem in sua habitacula ingredi patiātur; Si quidem id graui simè
Statutis ordinis & SS. Canonibus, ac recētioribus Bullis Pontifi-
cis vetatur, & transgressores censuris Ecclesiasticis subiiciuntur.

Ne verò aliqua proprietatis suspitione, Fratres nostri Professi laborare videantur; Mandamus in virtute sanctæ obedientiæ, vt in posterum omnes Vicarii, nil sine scitu suorum Prælatorum, penes quos interim manent, siue per modum doni vel Eleemosinæ, aut alio quocunque nomine ab vlllo quopiam accipere, de illoque pro suo libitu disponere audeant, sed omnes & singulas obuentiones & Eleemosinas, nec non quartualia, à Beneficiatis pendij solita, in communem carbonam ad id præparatam conferant, à qua vna clavis penes Beneficiatum, altera penes Vicarios remaneat; Competenti verò tempore, quando id necessitas postulauerit, totam illam pecuniam, cura & industria Vicariorum acquisitam, Beneficiati non nisi in eorundem necessaria expendent, vel certe eandem inter illos distribuent, ita tamen vt nihil de pecunia accepta, Vicarii sine scitu Superiorum, in necessitates suas exponant, & quoties ab eis requisiti fuerint, sint de omnibus reddere rationem parati.

Quamuis autem vel maximè propriam quisque conscientiam attendere debeat, neque in alterius facta curiosius inquirere. Fraternalis tamen charitas exigit, vt mutua à Fratribus extra manentibus, ad inuicem de alterius salute cura habeatur; Proindè Vicarios omnes in Domino hortamur, & omnes in conscientia obligamus, vt non tantum propria, sed etiam Superiorum suorum (quorum honestæ vitæ, & cõuersationis Religiosæ testes esse debent) conscientiæ rationem teneant, & si quid (quod absit) scandalosum in eis aduerterint, id ad nos in posterum fideliter, siuè scripto, siuè quocunq; alio modo deferre teneantur, omni tamen malo affectu odij, inuidiæ, aut vindictæ excluso.

Denique cum in Capitulo Generali r. prudentè sancitum habeatur, vt Vicarii triennio exacto, ad Conuentum reuocentur, me videlicet extra Claustrum manentes, in obliuionem Regularis disciplinæ

disciplinæ, quæ maxime in Communitate vigere debet veniant, eandem ordinationem in posterum diligētius, quàm hactenus obseruandam, & eos Fratres qui vltra triennium extra manent, in Conuentum reuocandos esse declaramus.

DE EXECVTIONE PUNCTORVM, Ex præcedenti Visitatione relictorum.

Quia verò nonnulli tam ex Beneficiatis quàm ex Vicariis, circa inquisitionem per Iudices Cõmissarios, ad id specialiter deputatos reperiuntur, qui punctis sibi ex Visitatione Anno præcedenti per nos facta, ad exequendum relictis, vel non omnino satisfecerunt, vel penitus ea exequi neglexerunt: idcirco ne iam se prorsus liberos ac immunes, ab eorundem executione existiment, seriò mandamus ac præcipimus, vt ea omnia & singula infra spatium vnus Anni, à celebratione huius Capituli computandi adimpleant, & exequantur; ac præterea illi qui Registra prouentuum, ac suppellectilis tam Ecclesiasticæ, quàm Domesticæ, secum pro Capitulo præsentis non attulerunt, vt eadem infra Semestre in Conuentum Michouiensem transmittant, idque sub pœna priuationis beneficiorum, vel sub aliis, arbitrio nostro, irrogandis.

DE TEMPORE OBLIGATIONIS, Cõstitutionũ, in præsentis Capitulo sancitarum.

VT autem ea omnia & singula Statuta, quæ in hoc Generali Capitulo diuina inspirante gratia, Communi totius Ordinis nostri accedentes consensu sancita ac decreta sunt, debitæ mādentur executioni; nullaque in posterum obligationis incertitudo à quopiam ex Fratibus prætendi possit. Statuimus & decernimus, vt postquam præsentēs Constitutiones, siue scriptæ, siue Typis expressæ, ad manus in Conuentum quidem Custodis, extra verò Prouincialium Ordinis nostri deuerint, ipsiq; eas, Custos nimirum in Conuentu, Prouinciales verò in suis Prouinciis publicauerint, & ad notitiam omnium Fratrum deduxerint, ab ipsa publicatione infra duos menses incipiant obligare, ita vt si quis posthac temerariè eis contrauenire, vel eas aliter quàm par est, & per se sonant, pro suo libitu interpretari, ac proinde illorum executionem negligere ausus fuerit, pænas tam in iisdem Constitutionibus expressas, quàm etiam à nobis pro quantitate delicti imponendas, irremissibiliter sit luiturus.

**HORARVM DISTRIBUTIO
AD DIVINA OFFICIA,
Et alia Regularia Munia in Conuentu Miehochuensi ordinatè peragenda.**

A Reuerendissimo Dño Generali conscripta, & inter alia Reformationis Puncta, ex visitatione Patri Custodi pro executione demandata.

M A T V T I N V M.

H ora

HOra solita videlicet circa mediam noctem post pullum Campanæ, qui ad minus vno quadrante præcedere debet, Fratres conueniāt in Refectorium, vt inde in habitu decenti & zonis præcincti, omnes simul ad Chorum egrediantur. Diebus solemnioribus præsertim primæ Classis exceptis, quibus in posterum horæ Matutinæ, circa tertiam post mediam noctem, in Choro inferiori, ianuis Ecclesiæ apertis, solennitèr decantari debebunt, quatenus illis populus, deuotionis causa, commodius interesse possit.

Postquam in Ecclesiam conuenerunt, facta ibidem Venerabili Sacramento debita reuerentia, dicta item flexis in terra genibus, Oratione Dominica, & Salutatione Angelica, à Patre Custode, vel si ipse absens fuerit, à Vicecustode signum inchoationis expectent, quo dato consurgant omnes, ad inchoationem officii, & sic stent usq; ad finem Gloria Patri &c.

In decantando Matutino officio, aliisque diurnis horis, Pater Custos omnem curam adhibeat, vt sit cantus grauis, lentus, & intelligibilis, qui si aliqua præcipitatione vel concitata pronuntiatione præpeditus fuerit, manus pullu in grauitate retineatur.

Intra Diuinum Officium, nemo ex Choro seu Oratorio exire audeat, nisi legitima causa (venia tamen prius à Custode, vel in absentia ipsius à Vicecustode accepta) euocatus fuerit, sub pœna per Patrem Custodem assignanda.

Absolutis horis, cum exeundum erit, non nisi prius signo dato, simul omnes ex Oratorio egrediantur. Inde in Cellas, vel frigoribus ingruentibus, in commune hypocautum sese recipiant. Nullusq; audeat ineptis & vanis colloquiis, alios orationi vel lectioni vacantes impedire, vel silentium frangere; quòd deinceps, exceptis recreationis horis, semper in Refectorio & Dormitorio exactissime seruari debet. Quòd si quis contrarium fecerit, eum Vicecustos officii admonerat, cuius monitioni si non obtemperauerit, ad

rit, ad Patrem Custodem deferatur, in quem ille grauius aduerte-
re debet. Si quis verò, nisi vera infirmitate impeditus, (de qua
Patri Custodi certò constare debet) Matutinum officium inter-
miserit, is cum vno ex Fratribus Professis à Patre Custode depu-
tato, illud absoluat; pro negligentia autem priuatione vnius fer-
culi, irremissibiliter puniatur: hoc adiecto quod ingrauescente ali-
cuius negligentia, pœna quoque debet ingrauescere, iuxta mo-
dum in Punctis Reformationis à nobis præscriptam.

Si quis autem initio Matutini non adfuerit, vel aliquid ex horis
diurnis neglexerit, is pro hac negligentia quinque Orationes Do-
minicas tempore prandii flexis in terra genibus recitabit.

HORA PRIMA & TERTIA.

Primam pulsus præcedat media hōra, vt vno quadrante se ve-
stiant, & altero meditationibus, & aliis piis orationibus ad e-
xercitium matutinum spectantibus vacent. His completis signum
detur ad inchoationem Primæ: temporibus quidem æstiuo & Ad-
uentus hora 6. Hyemali verò hora 7. Dum autem Prima in Hye-
me decantatur lectum Sacrum, in æstate autem, circa ortum so-
lis, propter homines occupatos, celebretur.

Post Primam immediatè Maturum Sacrum cantatum subsequa-
tur, quo inchoato lectum quoque Sacrum in superiori Oratorio
per Presbyterum à Patre Custode assignatum inchoari debet,
quod integrum omnes Fratres, præsertim qui eo die non sunt ce-
lebraturi, sub pœna arbitrio superiori irroganda, deuotè & atten-
tè audire à modo teneantur.

Post Maturum Sacrum Tertia immediatè, præsertim diebus
professis succedat; Hac absoluta, quicquid supererit temporis
infra Tertiam & Sextam, id totum impendent, Iuniores quidem
lectioni quæ prælegetur audientis & aliis Scholasticis exercitiis;

Præby-

Presbyteri autem lectioni casuum Conscientiæ, & Sacræ scriptu-
ræ; nec quisquam vanis colloquiis vel minùs necessariis deam-
bulationibus, alios impediat. Et si quis talis repertus fuerit, in eum
Pater Custos aduertat. Si quis verò cōpotationibus cremati, vel
aliis minus honestis occupationibus indulerit, talis grauiori
pœna mulctari debet.

SVMVM SACRVM, & SEXTA.

Summum Sacrum diebus Festis statim post Tertiam subsequi
debet, aliis vero diebus Æstiuo tempore hora 9. Hyemali verò
hora 10. per scholares decantetur. Post Summum Sacrum in Fe-
stis duplicibus & semiduplicibus, reliquis vero temporibus ante
(iuxta ordinationem in Rubricis Missalis Romani præscriptam)
Sextam Fratres cantabunt. Finita vero Sexta, vel Summo Sacro
(post quod diebus solennioribus Sacrum lectum propter hospi-
tes haberi debet) omnes Fratres sub priuatione nobilioris ferculi
ad benedictionem mensæ tempestiuè cōueniant, quæ absoluetur
ab Hebdomadario cum graui & distincta pronuntiatione.

PRANDIUM.

Intra Prandium modestia & silentiū iuxta Constitutiones Or-
dinis seruentur, & lectio Sacra instituatur, ac vnus ex Presby-
teris secundum Ordinem cum vno, vel si necesse fuerit, etiam cum
altero ex Iunioribus mensæ inseruiat. Quæ ultra tres quadrantes
tam in prandio, quàm in cœna protrahi non debet.

NONA.

Prandio finito post Gratiarum actiones, ad decantandam No-
nam (nisi ex præscripto Rubricarum ante Prandium esset
absoluenda) in Chorum se conferant, & eundo Psalmum Misere-
re decen-

H

re decen-

re decenter & deuotè recitent. Nona absoluta horam vnã recreationi impèdent: hac finita lectioni & scripturæ sacræ aliisque actibus Religiosam vitam concernentibus, operam dabunt ad Vesperas vsque; Vicecustode tanquam morum Magistro id attendente, & negligentes Patri Custodi deferente.

VESPERÆ.

PRO Vespertinis precibus pulsabitur tempore Æstiuo hora 3. tempore verò Hyemali hora media post secundam, quæ per scholares cantabuntur, pro quibus etiam abfoluendis omnes Fratres in Oratorium semper conueniant. In Vigiliis autem & diebus solennioribus omnes ad Chorum inferius in Ecclesiam tempestiuè descendant, nec illos Custos in Choro expectet; qui autem tarde venerit, is vno poculo ceruiciæ priuetur.

Similiter etiam quicumque ex Fratribus diebus Festis Missæ solennis in Choro non interfuerit, vel Concionem audire neglexerit, priuatione duorum seculorum puniatur. Postquam verò in Chorum venerint, & locum proprium in Stallo occupauerint, statim cum ea qua par est deuotione, orationibus incumbant, & à mutuis colloquiis, ac non necessariis deambulationibus abstinerebunt. Post Vesperas autem habebunt recreationis mediam horam, deinde lectioni & aliis Religiosis exercitiis ad Completorium vacabunt.

COMPLETORIUM & CENA.

Completorium dato per Patrem Custodem siue per Vicecustodem signo, tempore quidem Æstiuo hora 5. Hyemali verò media post quartam Fratres omnes cantabunt in Oratorio, quo finito Cæna seu refectio succedat: in qua Silentium, Lectio Sacra, & alia omnia quæ de prandio præscripta sunt seruentur.

HORA

HORA RECREATIONIS, Et dormitum se conferendi.

POST Cænam habeant vnã horam in Refectorio, vel Dormitorio modestæ deambulationis ob digestionem, vel etiam honestæ ad inuicem colloquutionis. Qua finita & signo per Patrem Custodem dato, omnes statim ad Chorum conueniant, & Litanias in Officio Patronorum specificatas deuotè decantent, ac inde recta in cubicula sese conferant, ibidemque vno quadrante examini Conscientiæ & Orationibus ex Thesauro Precum, vel aliis piis libellis ad id accommodatis vacabunt, altero autem vestes deponent, & cubitum se conferent; nec amplius deambulationibus, & multominus computationibus, tam in Refectorio quàm in Cellis indulgeant, nec vllus deinceps strepitus in Dormitorio audiatur, idque sub pœna carceris vnus diei irremissibiliter irroganda. Quicumque autem huic Ordinationi nostræ temerè contrauerit, in eum per Patrem Custodem seuerè aduertatur. Et si quis (quod absit) fuerit incorrigibilis, ad nos pro grauiori animaduersione deferatur. In cuius rei fidem, præsentem manu propria subscripsimus, & Sigillo nostro communiri mandauimus. Dat. in Conuentu nostro Miechouensi die 9. Nouembris.

Anno Domini, 1619.



Literæ Indictionis Capituli Generalis.

MATTHIAS LVBIENSKI, CANONICORUM Regulariū Ord. Sepulchri Dñi Hierosolymitani, Conuentus Miechouienſis PRÆPOSITVS Generalis. &c. &c.

Vniuerſis & ſingulis Rēdis ac Venerabilibus Fratribus, Præpoſitis, Parochis, ac cæteris Canonicis Regularibus SS. Sepulchri Domini Hierosolymitani, qui Capitulo Generali Miechouienſi. intereſſe tenentur, Fratribus chariſſimis Salutem in Domino.

LAudabili vſu, ac diuturna conſuetudine, in Religione noſtra receptum & obſeruatum fuiſſe, cūm ex traditione Maiorū noſtrorum, tūm ex variis literarum munimentis ad nos tranſmiſſis intelleximus, vt ſingulis trienniis, viſitatione Eccleſiarum Conuentui noſtro Generali Miechouienſi. annexarum præmiſſa, Capitula Generalia indicerentur, ad quæ omnes Ordinis noſtri Fratres, præteritum verò ij, quibus cura alicuius Eccleſiæ eſt demandata, conuenirent, & ad Regularem diſciplinam re-

nam retinendam ac reſtaurandam in cōmuni Conſilia ſua conferrent. Quæ quidem cōſuetudo, cum iam à multis Annis ſit intermiſſa, non ſine inſigni Religionis noſtræ iaçtura; Nos quamprimū diuina voluntate ita diſponente, & vnanimi Conſenſu omnium veſtrum ad id accedente, regimini (licet indigni) huius Vniuerſi Ordinis ante triennium admoti ſumus, ſtatim de indicendo hoc Generali Capitulo ſeriò cogitare cœpimus. Cūm tamen ad id ritè & vtiliter obeundum plurimū conducere videremus, ſi prius ſtatum & conditionem omnium Eccleſiarum noſtræ Iuriſdictioni ſubiectarum perſpecta haberemus: ideò quamprimū nobis per alias occupationes licuit, Anno ſuperiore vniuerſum ferè Regnum eius rei cauſa obuiuiſſimus, & ſingulas Eccleſias Ordinis noſtri (ijs tantum exceptis, quæ extra fines Regni, ob præſentes ibidem motus, commodè adiri non poterant) in perſona noſtra adiuiſſimus & viſitauimus. Quo quidem negotio vtcunq; pro virium noſtrarum imbecillitate peractò, & iis quæ ad præſens neceſſaria eſſe videbantur, in ſingulis Eccleſiis præſcriptis, & ordinatis, communicato prius cum Conſiliariis noſtris Conſilio, Generale Capitulum hoc Anno Miechouiam conuocandum & indicendum, Deo

omnipotente authore esse censuimus, prout per
præsentes literas nostras, (quod utinam Religioni
nostræ feliciter cedat) conuocamus & indicimus,
die Decima nona Mensis Octobris Anni præsen-
tis inchoadum. Cui quidem Capitulo, etsi omnes
Fratres etiam extra Conuentum degentes, de iure
& consuetudine adesse obligantur, ne tamen Ec-
clesiæ illæ, quibus inseruiunt, si omnes eas defere-
rent, debitis interea officiis defraudetur, hoc mo-
deramen adhibendum esse duximus, vt vno, vel al-
tero Fratре (quod si solus tantum sit curatus, ali-
quo sæculari Presbytero) penes Ecclesiam relicto,
qui aliorum absentiam suppleat, reliqui omnes, tam
Curati, quàm etiam Vicarii, pro die superius spe-
cificata Miechouiam se sistant, atque præhabita se-
cum matura deliberatione, ea parata habeant, quæ
in hoc Capitulo vtiliter proponenda esse censue-
rint. Ac præterea Curati omnes, ac quilibet eorum
afferant secum suas præsentationes & Inuestituras;
Rationes suorum Prouentuum; Indices rerum su-
arum, ac Inuentaria suppellectilis Ecclesiæ: sintq;
parati sufficenter, nos, ac vniuersum Capitulum in-
formare, de Ecclesiarum suarum statu, nec non e-
tiam de eo, quomodo Ordinationibus nostris, ex
præcedenti visitatione nostra sibi præscriptis hæc

oquinio

2 H

nus la-

nus satisfecerint. Quòd si verò aliquis eorū (quod
tamen minimè optamus) vel ob decrepitam æta-
tem, vel ob aduersam valetudinem, adesse non pos-
sit, is tamen cum sufficienti absentiae suæ excusati-
one, & cū aliis requisitis, superius specificatis, Vi-
carium suum expedire, vel si illum non habuerit,
per viciniorem Fratrem ea trāsmittere, non negli-
gat. Vt autem præsentés literæ, ad eorum quorum
interest notitiam citius perueniant, volumus vt ab
eo, ad quem primo à nobis transmissæ fuerint, ad
viciniorem Ordinis nostri Ecclesiam, sine vlla mo-
ra, transmittantur. donec circulus Ecclesiarum eo
Ordine, qui in superficie huius edicti nostri, adno-
tatus est, absoluator, & penes vltimum remaneat:
cum attestatione singulorum Beneficiatorum no-
strorum, quando ad illos delatæ, & quando ad vi-
ciniorem Præpositum, vel Parochum, ab iis trans-
missæ fuerint. Ille autem ad quem postremò per-
uenerint, eas secum adferre, & in futuro Capitulo
exhibete teneatur. Hæc autem omnia & singula in
virtute Sanctæ obedientiæ, & sub pœnis à Cano-
nibus, contra eiusmodi negligentes constitutis, ac
aliis à nobis, pro arbitrio nostro infligendis præ-
cipimus. Ac in euidentius eius rei testimonium,
præsentes manu nostra subscriptas, Sigillo nostro

commu-

communi mandauimus. Datum in Conuentu
nostro Miechouienſi. Die tertia. Menſis
Auguſti. Anno Milleſimo. Sexcente-
ſimo. Vigefimo.



